

Incertidumbre riba nombramento di abogado di Corsou pa defende gobierno den caso di De Meza



Pagina 2

- **ATA: Turismo ta keda fuerte, pero tin menos 'bookings'**

Pagina 6


- **Bolivia: Tribunal Electoral ta prohibi ex lider Morales y ta suspende un candidato clave**

Pagina 10

- **Departamento di Defensa Mericano ta acepta Boeing 747 di Qatar pa uso di Trump**

Pagina 18

CAft ta evalua positivamente presupuesto nacional 2025



Pagina 3

WHO ta adopta un "acuerdo di pandemia" despues di e caos di COVID



Pagina 7

Hues ta bisa cu gobierno Mericano no a sigui orden di corte riba deportacionnan



Pagina 24



SCAN FOR MENU



DRUNKENfish

DIVE INTO ARUBA'S FRESHEST SEAFOOD, JUICY BURGERS, AND KILLER COCKTAILS!





FOLLOW US

DRUNKENFISHARUBA

J.E. Irausquin Blvd 370, Noord, Aruba. Reservations: (+297) 699-5090. WWW.DRUNKENFISHARUBA.COM



LUCKY FRIDAYS

EVERY FRIDAY IN MAY

EVERY 75 POINTS = \$15 IN SLOT CREDIT (REDEEM UP TO 5 TIMES)

\$600 HOTSEAT AT 11:30PM

THREE WINNERS OF \$200 EACH IN CASH!

THE CASINO AT
THE RITZ-CARLTON
ARUBA

Incertidumbre riba nombramento di abogado di Corsou pa defende gobierno den caso di De Meza

Mientras cu comunidad ta na expectativa pa e prome audiencia den Corte di e caso di parlamentario Mike de Meza (AVP) contra DIMP, relaciona cu su screening pa bira minister, desaroyonan den ultimo dianan a hala atencion y a causa confusion. E biaha aki, relaciona cu e supuesto escogencia di abogado pa representa Gobierno den e caso.

Tur cos a cuminsa na momento cu portal online, 24ora a reporta cu un abogado especialista di Corsou, mr. Mirto Murray, den un carta manda na corte, lo a presenta su mes como e abogado di gobierno pa e caso di De Meza, indicando cu De Meza no tabata contento cu e desaroyo aki, y cu e situacion lo bira un problema.

Mientras tanto, noticiario local NoticiaCla a reporta cu diamars a haya informacion cu “localmente tabatin lobbymento formal entre abogadoonan” pa tuma e caso pa defende DIMP den corte, pero ningun tabata exitoso. Esaki pasobra ta abogado Curasoleño, mr. Murray lo a keda scogi pa representa e departamento den corte.

Confusion

E confusion a surgi na momento cu gobierno a nenga cu a contrata e abogado di Corsou pa e caso.

A pesar cu medionan local a reporta cu mr. Murray a presenta su mes como abogado pa DIMP na Corte, declaracionnan di minister di Finanzas, Geoffrey Wever (Futuro), bao ken e departamento di DIMP ta cay y kende lo mester ta na altura di tur suceso relaciona cu e caso, a bisa cu e no tabatin conocimiento di e desaroyo aki.

Segun minister Wever, ni su persona como minister, ni Consejo di Minister a duna aprobacion pa contrata un abogado di Corsou pa e caso aki. Sinembargo, su declaracion a hala atencion na momento cu el a bisa cu lo ta normal den un caso asina pa gobierno busca un abogado di exterior, mirando cu ta trata di un caso sensitivo, y principalmente si ta un abogado cu ta experto den e materia. Y segun e minister, mr. Murray ta un experto den e materia.



Wever, den declaracionnan na 24ora, a bisa: “No tin ningun decision di Ministerraad pa engage ningun abogado di afo pa representa gobierno den e caso cu Sr. De Meza a entama contra Gobierno di Aruba.” El a confirma cu normalmente, e departamento lo mester pidi aprobacion di minister di Finanzas prome. “Esey ta e proceso cu semper ta encamina, cu ta pidi e minister encarga si ta bay di acuerdo pa besteed uit un caso huridico na un oficina di abogado, ta usual.” Pero den e situacion aki, Wever a bisa, “a bin un peticion pa preparacion di gobierno, den e caso aki pasobra tin un caso cu a wordo entama, y gobierno den tur caso mester asesora, y evalua con e ta defende su mes.”

“Pero cu gobierno a dicidi cu ta bay laga un oficina di afo defende gobierno, esey no ta berdad. No a dicidi riba esey, y tampoco a hiba e decision aki Ministerraad,” Wever a declara.

Na momento cu a cuestiona Wever riba si mr. Murray a manda un carta anunciando cu e ta e abogado pa e caso

aki, Wever a bisa: “Mi mester bay wak esey, pasobra manera mi a menciona, pa bo engage un abogado mester tin un engagement letter firma, mester tin un understanding oficial cu un persona ta representa gobierno den un caso, cu e por stel su mes den nomber di un cliente. Y esey, mi no a duna un autorisacion pa esey.”

Sinembargo, abogado di De Meza, mr. Croes si a confirma pa NoticiaCla cu mr. Murray, kende ta specialisa den entre otro, ley fiscal, ta asigna como abogado pa e caso. “Si, 100%. Awe tardi e la stel su mes como gemachtigde di inspecteur!” mr. Croes a sigura NoticiaCla.

E abogado a aclaria cu loke kiermen cu ‘stel su mes’ ta e momento unda un abogado ta informa cu e lo hiba defensa pa un cliente. “E la informa Corte awe cu e lo ta e abogado di Inspecteur der Belastingen.” Croes tambe a confirma cu el a mira e carta en cuestion, bisando cu “como abogado di Mike de Meza mi mester wordo informa di biha cu e tin un abogado na e otro banda. Semper ta asina.”

Critica

E situacion a hala masha hopi atencion den esfera politico di Aruba, mirando cu no solo ta trata di un caso hopi importante, sino tambe tin falta di claridad riba ken precies a aproba pa mr. Murray representa gobierno den caso di De Meza.

Hopi hende ta mira e hecho cu gobierno lo a busca un abogado experto di Corsou como un indicacion di con fuerte ta para pa defende DIMP den e caso, y algun ta cuestiona si esaki ta nifica cu tin discordia profundo den e coalicion den gobierno.

Sinembargo, mester nota cu e caso aki tin repercusion enorme no solo pa Sr. De Meza, ken su futuro como minister ta riba balansa, sino tambe pa e departamento di DIMP, unda su reputacion y su autoridad ta den linea. Por ehemplo, si De Meza gana su caso, e lo crea un jurisprudencia cu lo por tin consecuencia pa otronan den comunidad. Gobierno mester boga pa interes di pueblo, no interes di politico.

Y politiconan di otro partidonan ta mirando e situacion di cerca, ya cu tin hopi cuestionamento pa cu e situacion di De Meza.

Algun dia atras, lider di PPA, Otmar Oduber Oduber a critica e hecho cu e tardanza aki den nombra un di 7 minister ta tumando demasiado largo y ta creando un irresponsabilidad pa tin un gobierno competente pa atende cu e responsabilidad cu un gobierno digno mester por asumi, manera el a expresa den un comunicado di prensa. El a nota cu ya ta bay pa 6 luna cu e resultado di eleccion ta conoci y ainda gobierno no por caba di keda completa pa asina asumi su responsabilidadnan.

Segun Oduber, “loke ta tumando lugar aki cu e nombramento di e di 7 minister ta un wegá y uno hopi sushi. E ley di screening di minister, di acuerdo cune of no, ta hopi duidelijk y ta stipula exactamente kico e formadornan por a haci y kico no. E ley ta bisa den un di su articulonan cu for di e momento cu un di e consheonan ta negativo riba un candidato pa minister, cu esaki no por wordo presenta na Gobernador. Tambe e me-

sun ley aki ta stipula e responsabilidad y deber di e formadornan pa notifica por escrito e candidato pa minister cu no a pasa e screening. Aki e prome wegá a tuma lugar y Gerlien Croes cu a sigura De Meza cu e no lo bira minister a cumpli cu su palabra, mientras Mike Eman a keda den silencio.”

Oduber a continua bisando cu “ta hopi bisto y awor hasta proba cu [vice-prome minister, Sra. Gerlien Croes] no kier De Meza como minister pa motibo di e forma con Gerlien a wordo trata den AVP pa De Meza y rason pa cual e la bandona e partido berde. Di otro banda tambe ta hopi bisto y awor proba cu Mike Eman a scoge pa para banda di Gerlien y Geoffrey pa laga De Meza cay manera patia berde scur, a costo cu e ta mantene su mes den e stoel di Prome Minister.”

Expectativa

Mientras tanto, tin hopi expectativa pa e caso cu ta bay presenta den corte diaranson proximo, unda finalmente lo por scucha di banda di DIMP precisamente kico ta e motibo cu De Meza no a pasa su screening. Te awo, e departamento di Impuesto no tabatin mag di bisa su banda di medaya, pasobra e proceso di screening ta rekeri discrecion. Sinembargo, den corte, DIMP lo mester duna cuenta pa su decision, y esaki lo bira e prome biaha cu pueblo di Aruba lo tin claridad riba kico precies ta e motibo cu De Meza no a pasa e screening pa bira minister di AVP.



CAft ta evalua positivamente presupuesto nacional 2025 cu recomendacionnan clave

Recientemente Colegio di Supervision Financiero di Aruba (CAft) a emiti su conseho riba presupuesto nacional di pasi Aruba pa aña 2025. Anteriormente e colegio a duna su conseho tambe riba e amienda di e proyecto di presupuesto cu a ser presenta pa e fraccion AVP y Futuro den Parlamento di Aruba. Segun CAft, e presupuesto tin algun cambio chikito compara cu e amienda.

Riba 2 di april 2025, minister di Finanzas, Economia y Sector Primario, Geoffrey Wever, a entrega e presupuesto nacional 2025 di Aruba na CAft. Segun CAft mirando cu e diferencia entre e proyecto di amienda di presupuesto y e presupuesto mes ta minimo, e hallazgo y recomendacionnan di CAft ta keda plenamente aplicable.

Den su conseho CAft ta indica cu pa 2025 ta presupuesta un surplus di financiamiento di 192 miyon florin, locual ta ekivalente na 2,4% di e producto nacional bruto (bbp). Tambe pa e periodo 2026-2029, gobierno ta presenta un surplus anual. E Colegio ta remarca cu di e manera aki, Aruba ta cumpli cu e norma presupuestario pa e saldo di financiamiento di e sector colectivo di como minimo 1% di e bbp y cu e compensacion di deficit prescribi.

Na mesun momento CAft ta enfatisa cu considerando e tensionnan geopolitico persistente y e incertidumbre rond di e perspectivanan economico na nivel mundial, ta importante pa hiba un maneho presupuestario cauteloso.

Pa loke ta e splicacion di modificacionnan presupuestario, e Colegio ta indica cu e presupuesto ta contene modificacionnan minimo compara cu e proyecto di amienda. E modificacionnan, CAft ta señala, principalmente tin di haber cu e gastonan di personal, traspasonan y e budget di capital.

Un di e cambionan aki, CAft ta splica, ta cu den e proyecto di amienda a baha e gastonan di personal cu 9 miyon florin, bahando e cantidad di Fte cerca e oficianan di e ministernan, pero den e presupuesto a dicidi pa no implementa e ahorro aki por lo pronto. Den su conseho CAft ta en-

fatisa e importancia di control structural di gastonan, considerando e hecho cu desde 2022, e gastonan di personal a aumenta cu aproximadamente 20%. Desde 2024, conforme e LAft, un norma di gastonan di personal nobo ta aplicabel. Desde 2027, e gastonan di personal den sentido amplio mester keda bao di e plafond di 10% di e bbp.

Den 2024 e gastonan aki tabata yega te 8% di e bbp, sinembargo CAft ta subraya, ainda falta un calculacion multianual di e gastonan di personal. CAft a indica cu ta desea di ricibi e datonan necesario – manera Aruba a priminti anteriormente – pa por



evalua si e maneho actual ta cuadra cu e marconan cu a establece den e contexto ey.

Manera ta conoci tambe en trante 1 di mei 2025 a aumenta e reparatietoeslag pa pensionadonan cu 250 florin pa luna. Sinembargo, CAft ta señala, a baha e gastonan calcula di 49 miyon florin te 43 miyon florin, un bahada di 6 miyon florin. Esaki a conduci na un bahada di e partida traspasonan. Anteriormente, e Colegio a conseha pa aplica un comprobacion di ingreso- nan na momento di otorga e reparatietoeslag y ta haya positivo cu ta dunando substancia na e punto aki.

CAft ta sigui splica den su conseho cu den e di dos nota di modificacion di e proyecto di presupuesto pa 2025, a inclui un suma di 20 miyon florin pa otorgamento di credito



local y subsidio na Fundacion Cas Pa Comunidad Arubano (FCCA). E gobierno actual a reverti e decisionnan aki, tuma pa e Gabinete anterior. Tanto e prestamo di 17 miyon florin como e subsidio di 3 miyon florin a keda elimina di e presupuesto, y posiblemente lo bolbe inclui nan den e prome presupuesto complementario di 2025. CAft ta enfatisa cu e modificacionnan menciona den total ta conduci na un mehoracion di e saldo di financiamiento di 17 miyon florin. E Colegio ta remarca cu di e manera aki, e saldo di financiamiento di pais ta aumenta te 78 miyon florin, locual ta ekivalente na 1% di e bbp. Den total, e surplus di e sector colectivo ta subi te 192 miyon florin, cual ta ekivalente na 2,4% di e bbp.

Pa loke ta trata e ratio di debe, e Colegio ta splica cu na final di 2025, e debe di

Aruba lo subi te 5.187 miyon florin, cual ta 65% di e bbp. Sinembargo, CAft ta indica, e desaroyo aki solamente tin di haber cu e debe di e pais, no cu esun di henter e sector colectivo. E Colegio ta splica cu no ta cla ainda di ki manera lo componi e sector colectivo na 2025, pasobra ainda no a determina esaki. P'esey, e Colegio no por evalua di ki manera e posicion di debe lo desaroya riba termino largo. CAft ta subraya cu a pesar cu e imagen actual ta muestra positivo, mester tene cuenta cu e composicion di e sector colectivo na 2025, y su posibel implicacionnan pa e ratio di debe. Mas reduccion di debe ta keda di importancia pa fortalece e resiliencia financiero di Aruba.

Por ultimo, pa loke ta e pasonan siguiente cu mester tuma CAft ta deduci di e presupuesto cu Aruba tin inten-

cion di duna substancia na e recomendacionnan cu CAft a emiti tocante di e amienda. E Colegio ta splica cu por ehempel, Aruba ta indica cu lo emplea e surplusnan di Algemene Ziektekosten-verzekering (AZV) y Sociale Verzekeringsbank (SVB) pa reduccion di debe.

Banda di esaki, ta presenta e desaroyo multianual di e debe y e gastonan di personal conforme e definicionnan di e LAft den e prome presupuesto complementario pa 2025. Ademas, Aruba lo elabora un agenda di inversion pa e periodo 2025-2035, adapta na e capacidad di ehecucion di e pais y dirigi riba maneho economico duradero. CAft a bolbe enfatisa e importancia di e recomendacionnan aki, y ta anticipa e elaboracion mas detaya di e iniciativanan aki den e prome presupuesto complementario.



Parlamentario Xiomara Maduro (MEP): “SADA ta perhudica cuerpo di Aduana”

Mediante un comunicado di prensa, actual parlamentario di fraccion MEP y ex-minister di Finanzas y Cultura, Xiomara Maduro a reacciona riba acusacionnan presidente di Sindicato Aduanero Di Aruba (SADA), Edward Maduro a haci den su contra, cu ta relaciona cu e caso di aumento salarial den corte cu e sindicato a perde.

Segun e parlamentario ta indica, e presidente di SADA ta acusa su persona di a “cuchiya” e Aduaneronan durante su tempo como minister di Finanzas y esaki, el a menciona, ta pa motibo cu pa di dos biaha SADA ta perde su caso di aumento salarial dilanti hues.

Den su reaccion, parlamentario Maduro ta splica cu den porta di eleccion 2021, riba dia 21 di juni 2017, ex-minister di Finanzas e momento ey, Angel Bermudez y SADA a firma un convenio pa cambia structura y aumenta salario di tur duanero cual lo mester a bira vigente entrante januari 2018 y mientras tanto dia 1 di juli 2017 lo mester a haya un periodiek.

El a sigui splica cu na september tabatin eleccion y na november 2017, na momento cu Gabinete Wever-Croes I a sinta, nan a cuminsa traha riba ehecutacion di e convenio y aunke ya caba den tabatin fondo reserva den presupuesto 2018 pa paga pa e aumento di salario aki, segun e parlamentario, ex-minister di Finanzas Bermudez no a manda pidi ningun conseho cu tabata necesario pa por a ehecuta un cambio asina grandi manera esun cu a keda acorda den e convenio.

Den su funcion como minister di Finanzas, parlamentario Maduro a manda pidi tur conseho necesario di Departamento Huridico y Departamento di Recurso Humano relaciona cu e aumento aki, y dia 19 di november 2018 a presenta un concepto di Decreto Nacional pa haci e cambionan necesario na Raad van Advies. Dia 12 di december Raad van Advies a duna su conseho, cual tabata un conseho negativo y a indica cu e schaalnan di Aduana lo ta mas halto cu esun di BRA cu ta conta pa tur ambtenaar, cu no tin hustificacion pa tin



diferencia grandi entre e salarionan di Aduana y otro empleado publico, cu e cambio lo causa precedencia negativo y cu e lo tin consecuencia presupuestario y financiero pa gobierno.

Den su reaccion, parlamentario Maduro ta splica cu e tempo ey el a laga haci cambionan necesario y cu na mas di un ocasion a acerca SADA pa por consulta e cambionan aki, pero cu SADA a muestra cu nan no tabata kier a tene na cuenta e consehonan di tur e instancianan relevante y di Raad van Advies y kier a ignora esakinan.

E ex-minister di Finanzas a indica cu na september y october 2022 e decretonan nacional nobo a keda cla y e salarionan di Aduana a conoce un aumento. Sinembargo, segun e parlamentario, un grupo grandi di Aduana, riba conseho di nan sindicato SADA, a bay den bezwaar y despues den beroep, cu e resultado cu hues den tur dos instancia a dicta cu SADA ta robes den su ponencianan.

Parlamentario Maduro ta splica cu den su sentencia di 24 di april 2025 hues a dicta cu Gabinete Wever-Croes haci suficiente pa respeta y pa por cumpli cu e convenio dentro di e espacio financiero cu tabatin, y a actua corecto teniendo na cuenta e consehonan di Raad van Advies, Departamento di Recurso

Humano y Departamento di Legislacion.

El a remarca cu como minister di Finanzas el a haci tur locual tabata na su alcance pa awe Aduana por a bay dilanti den salario y ademas por a haya indexering di 11,7% manera tur empleado publico.

Na mesun momento el a expresa cu e ta haya ta preocupante cu “SADA ta keda bay atras den conocimiento y di e manera ey ta pone e Aduaneronan pasa berguensa y de paso ta perhudica e Cuerpo di Aduana tambe.”

“Ta lamentabel pa mira cu Sr. Maduro como sindicalista su legado lo ta crea discordia, mal informa su seguidornan, kere den webó di gay di Ex-MinBermudez y crea un ambiente toxico na Aduana sin tin mester. Awo e por bay purba su suerte cu e minister di Finanzas nobo,” el a finalisa.

Despues cu e veredicto di hogo beroep den e caso di SADA a keda conoci, den un conferencia di prensa presidente di SADA Edward Maduro a splica kico corte a bisa y kico, for di su punto di bista, esaki ta nifica.

El a splica cu corte a bisa cu sindicato SADA mes no tabata por a bringa e caso pero cada ambtenaar, ora cu nan haya nan decreto nacional,



mester a bay den bezwaar, cual a sucede unda cu casi alrededor di 140 ambteaar a bay den bezwaar contra e decreto aki. Den corte di prome instancia nan no a haya rason y despues di esaki nan a scoge pa bay hogo beroep cu fin di april a dicta su veredicto cu no tabata na nan favor.

Maduro a sigui splica cu en principio corte a bisa cu en berdad si e ambtenaar no ta acuerdo cu e decreto nacional e por yega corte y corte por test e ley aki y eventualmente trek e in a base di algun argumento cu lo por bin dilanti unda por bisa cu e ley no tabata cuadra.

El a indica cu den prome instante esey tabata bon, pero despues corte a sigui considera e situacion y den su concepto ta haya cu gobierno a haci bon di reconsidera e convenio inicial.

Pero SADA no ta di acuerdo cu esey. “Ora ta cera un contract cu gobierno a base di negociacionnan y bo ta yega na un acuerdo, bo no por sin mas unilateral dicidi cu bo ta cambia e contenido di e convenio y esey ta caminda nos no ta di acuerdo cu corte,” Maduro a remarca.

El a splica cu e tempo ey gobierno a instala un comision unda tabatin DRH, gobierno, sindicato y dienst di Douanne y den e comision formal aki, cu segun el a in-

dica a ser yama a traves di un ministeriele beschikking, a haci e afspraak pa yega na e convenio.

El a sigui splica cu despues, Gabinete Wever-Croes a bin cu argumento cu DWZ y Raad van Advies (RvA) a duna consehonan negativo, locual el a remarca ta “hilarisch” pasobra den su conseho RvA ta bisa cu nan no ta di acuerdo cu e versnippering (fragmentacion) di BRA, tanto polis y brandweer tin un structura di salario los di e BRA y esey ta e direccion unda cu Douanne a bay.

“Raad van Advies a bisa cu no ta consehabel pa sigui versnipper den e BRA pasobra e ora tin tres of cuater structura di salario... gobierno a bisa cu RvA su conseho tabata determinante pa haci un cambio den e convenio, pero no a tene cuenta cu tur e aspectonan cu RvA a tene. Bo a letterlijk pick and choose kico bo a usa di e conseho di Raad van Advies pa por a cuchiya e ambtenaar di Aduana, esta e minister anterior,” el a enfatisa.

Like us on Facebook
facebook.com/bondianoticia

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroe (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Amnistia sin mester... Papia di amnistia...?

E anuncio cu ta suspende conseho laboral pa facilita tramite di otorga permiso di estadia temporal, a causa conmocion, te na parlamento. Aparentemente tin un retraso asina grandi den e proceso, y un escasez laboral asina grandi, cu lo ta hustifica pa suspende ley. Por kere cu e situacion dificil ey t'ey, pero esey no ta duna henter e panorama den cual a yega na tal decision. E ta parce tambe un intento pa convenientemente 'soluciona' e problema pendiente di alrededor di 20.000 persona indocumenta cu nos isla tin, via un proceso intransparente cu por duna oportunidad pa asunto indesea.

Den e declaracion reciente di e mandatario encarga cu labor el a constata cu tin un escasez grandi di trahador na Aruba. Esey ta berdad y nos tur tabata esey sa caba; e pregunta sin embargo ta si e 'solucion' cu e ministro y su colega di husticia a scoge, ta esun mas recomendable. E conseho laboral ta forma parti di e ordenanza encuan to Admision y Expulsion (Landsverordening Toelating en Uitzetting; LTU) y e pregunta ta si por suspende e conseho laboral den su totalidad. E articulo corespondiente di e LTU ta articulo 7 inciso 6: "Na un permiso pa estadia temporal por aña di condicion den interes general. Na e permiso ta aña di tambe, tras di scucha e ministro encarga cu relacionnan laboral, condicion encuan to ehercicio di cierto profesion o empresa, respectivamente di ta den servicio di un cierto empleador y den un cierto funcion. A traves di areglo ministerial di ministro encarga cu labor, por indica profesion y funcion cu no ta bin na remarca pa ser ocupa pa persona pa ken a solicita emision di un permiso pa estadia temporal."

Importante ta cu aki e parti inicial ta facultativo: por aña di condicion di interes general. Sin embargo, seguidamente e ley no ta bisa cu "por" pero ta afirma, sin laga opcion di si of no, e adicon di e conseho di ministro encarga cu labor. E interrogante huridico: ministro por dicidi di suspende ley? Ademas e ley ta duna e opcion di indica cierto profesion o funcion cu ta keda reserva pa persona local. A considera haci uso di e posibilidad aki, of a dicidi cu e escasez ta conta pa henter mercado?

Aki ta bin tambe e aspectonan tecnico di mercado laboral. E trabao cu e departamento DPL mester haci, ta valora caso pa caso si por duna conseho positivo of no, segun e criterionan di e (sub)sector) o tipo di trabao cu ta solicita den e peticion. Cu otro palabra: 'mercado laboral' no ta un bloque masivo cu un solo criterio, aplica den tur caso, al contrario, manera e propio ley ta reconoce, mercado laboral ta dividi den un sinfin di subsector economico, cu un gran variedad di

empleo y habilidad profesional. Asina anto, si ta papia di escasez en general, por constata cu e ta grandi, pero ora ta papia di cada sector y cada profesion, ta indispensable verifica si den e caso particular e imagen general di escasez ta aplicable; esey ta e trabao cu e departamento mester haci. Naturalmente nos no por sa si e ministro a haya un briefing interno unda a splica su persona esey, pero ta di supone cu profesionalnan den e materia aki na e departamento a haci nan trabao. Pa ilustra esaki cu un ehemplo: si tin escasez grandi den sector turistico y sector di gastronomia, esey por ta bastante general pero asina mes e ta mas tanto concentra den e empleo cu ta requeri menos educacion y ta menos bon paga. Esey no ta implica cu escasez ta conta pa tur funcion y habri e 'floodgate' pa tur funcion den e sectornan aki ta kita totalmente e proteccion di e empleo, cu na promer momento mester ta reserva pa e profesionalnan local, segun cu nan ta disponible.

Amnistia sin amnistia?

Pero awor e asunto urgente cu no ta mira aki pero ta parti importante di trasfondo den e asunto aki. Nos pais ta conta cu alrededor di 20.000 migrante indocumenta, di cual un gran parti ta migrante Venezolano, di cual un minoria te awor ta reconoci como 'refugiado'. E parti cu ta apto pa traha ta sigur un 15.000 persona, cu aparentemente ta emplea di algun forma y tin lugar di biba; al menos no ta mira hende sobreviviendo riba caya. Pregunta: tur e empresanan cu ta empleando e hendenan aki por acudi awor, o a haci esey caba, pa haya permiso di residencia a base di e empleo cerca nan, sin mas pregunta?

Pa evita mal interpretacion di nos motibo pa pregunta: nos no ta contra cu ta yega na regla estadia di e hendenan aki di un forma aceptable, pero e mester ta algo formalmente regla y cu contesta na tur e preguntanan pertinente. Loke ningun hende cu sano huicio por acepta cu ta continua cu un parti asina grandi di nos poblacion 'de hecho', den un incertidumbre cu ta crea tur tipo di abuso den empleo informal, ademas di e daño cu esaki ta haci, tanto na caha di gobierno como na e competencia comercial, cu si ta carga tur gasto di empleo formal, cumpliendo cu tur ley.

Finalmente, mester recorda cu no ta trata solamente di e personanan indocumenta ya presente y trahando o buscando trabao. Noticia di e indole aki semper ta core liher y nos lo cuminsa haya hopi mas hende yegando di exterior pa bay 'shop around' en busca di empleo. Esaki tambe lo ta parti di e maneho 'temporal' aki, di cual no sa con temporal e ta?

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Minister Wever ta representa Aruba na conferencia crucial pa futuro agricola

Minister di Finanzas, Asunto Economico y Sector Primario, Geoffrey Wever a biaha pa Boneiro pa atende e conferencia anual di Dutch Caribbean Agriculture, Livestock, and Fisheries Alliance (DCALFA) – un encuentro clave pa futuro sostenibel di agricultura, pesca y cria di bestia den Caribe Hulandes.

E conferencia, cu ta uni representantenan di Aruba, Boneiro, Corsou, Saba, St. Eu-

statius y St. Maarten hunto cu delegacion di Hulanda, ta sirbi como plataforma pa intercambia conocimiento, fortalece colaboracion y desaroya solucionnan comun riba tema di seguridad alimenticio, un asunto cu ta cada biha mas y mas importante pa e bienestar di nos pueblo.

Den juni 2023 Gobierno di Aruba, e tempo ey bao encargo di minister Ursell Arends (Raiz), a firma e prome Memorandum of Understanding (MoU). Aruba y su

isla rumannan a compromete pa stimula produccion local, mehora seguridad di cuminda (y reduci dependencia di importacion). Durante e conferencia di e aña aki, lo firma un extension di e MOU, reafirmando e compromiso den Caribe Hulandes.

Minister Wever lo representa Aruba den un panel strategico, hunto cu diputado Anjelica Cicilia di Boneiro y Rechelene Leerdam di St. Eustatius, pa dialoga riba un vision comun pa garantisar seguridad

di cuminda na nivel di Reino den Caribe Hulandes.

“Participacion na DCALFA ta crucial,” Minister Wever a comenta den un comunicado di prensa. “E ta yuda nos pensa y traha hunto pa logra eleva cada un nos produccion local, y identifica oportunidad pa colaboracion entre nos islanan. E tipo di cooperacion regional aki ta exactamente e tipo di accion structural cu Aruba mester pa sigui avansa den un manera sostenibel.”



Pa e pueblo interesa, e panel discusion lo ser transmiti en bibo riba Facebook di Entidad Publico Boneiro.

A.T.A. ta comparti resultado di April 2025

Turismo ta keda fuerte, pero tin menos ‘bookings’

Dado e desaroyonan economico global, particularmente e tarifanan nobo introduci pa e administracion di Trump na Merca, Aruba Tourism Authority (A.T.A.) ta reafirma su compromiso pa monitorea na un manera strategico, prepara un plan di resiliencia, y proteha e sector di turismo di e isla.

Turismo na Aruba a sali fuerte den e prome kwartaal di 2025

YTD April 2025: Demanda saludabel y desaroyo Fuerte Estadistica conforme actualisacion den industria di turismo: volumen di huespednan “stay-over” ta muestra un resultado stabiel di 3% den e promer 4 lunanan 2025 compara cu e promer 4 lunanan di 2024. Aruba a ricibi un total di 518,840 huesped “stay-over” den Jan pa April 2025

compara cu 503,938 den Jan pa April 2024. Un demanda stabiel y indicacion di normalisacion despues di varios aña di crecemento record den volumen. Esaki ta den linea cu A.T.A. su strategia cu ta uno di estabilisa volumen di huesped pa Aruba. Den e mes periodo menciona, 81% di nos huespednan a yega for di Norte America, 12.9% for di Latino America, 4% for di Europa, y 2% for di otro regionnan di mundo.

Na es momento aki tin menos “bookings” pa segundo mitar di 2025 - mester vigila

Feedback obteni ta indica cu demanda pa segundo kwartaal (Q2) ta stabiel, pero cu mester vigila mas bien e segundo mitar di 2025. Ora midi demanda awor, ta nota cu esaki ta menos cu e mesun momento aki na 2024. A.T.A.

lo sigui midi esaki di cerca y ahusta strategia ora y unda mester.

Hecho ta keda cu e situacion actual global ta cambiante y cu tin incertidumbre pa cual A.T.A. ya caba a activa. Esaki den colaboracion estrecho cu entre otro Ministerio di Turismo, kende tambe ta vigila e situacion di cerca, mescos cu socionan den sector priva.

Estadistica conforme actualisacion den e industria di turismo: volumen (“stayover”) cu resultado positivo adicional di 4.3 % den april 2025 compara cu april 2025.

Conforme e demanda por bay mira tambe cu e aerolineanan lo sigui expande capacidad y asina permitiendone nos captura e demanda. Den april 2025, Aruba a ricibi un total di 126,419 huesped “stay-over”, esaki ta un crecemento di 4.3%, si compara cu april

	2019	2020	2021	2022	2023	2024	2025
Occupancy	47%	10%	44%	54%	48%	57%	58%
ADR	170	201	208	235	255	294	305
Revenue	5,297,956	1,515,755	7,737,592	12,501,137	15,893,438	20,158,137	24,828,050

2024, unda a ricibi 121,215 huesped “stayover”.

Mercadonan y categorianan di acomodacion

Den april 2025, 79% di e total di e huespednan “stay-over” pa Aruba a bishita for di Norte America, 4.8% a bishita for di Europa, 13% a bishita for di Latino America y 2.4% tawata procedente di otro partinan di mundo.


Mirando e categorianan di acomodacion, den april 2025 21.3% di huesped a keda den hotelnan European Plan, 43% a keda den hotelnan All-Inclusive, 24% a keda den

Timeshare, y 33% a keda den otro tipo di acomodacion, incluyendo short-term vacation rentals (STVR).

Short-term vacation rentals (STVR)

A.T.A. tin acceso na un plataforma unda por wak e cantidad di cas, apartamento y villas cu ta wordo usa como vacation rentals como tambe e prijs averahe pa anochi, e ocupacion y un calculacion di e entrada cu esakinan ta genera. Den 2024, segun un estudio, A.T.A. a logra actualisa inventario di condominio existente y condominio cu actualmente ta na caminda pa realizacion, y lista actualisa di lugar di estadia cu no ta un hotel pero cu si ta disponibel na e turista cu ta keda na Aruba pa un corto tempo.

Si compara april 2025 cu april 2024 por wak cu e ocupacion averahe di e acomodacionnan aki a subi cu 1 punto di porcentahe, for di un averahe di 57% na april 2024 pa un averahe di 58% na april 2025.



Merca: Brote nobo di salmonella conecta na mesun productor di concomber contamina na Florida aña pasa

(AP)—Oficialnan di salud Mericano ta investigando un brote nobo di salmonella conecta na un productor na Florida di ken su concombrenan contamina tabata conecta cu mas di 550 malesa aña pasa.

Concombrenan produci pa Bedner Growers y distribui pa Fresh Start Produce Sales a ser conecta na varios malesa den al menos 26 persona den 15 estado, segun e U.S. Food and Drug Administration a reporta dialuna anochi. Al menos nueve persona a ser hospitalisa; no a reporta ningun morto.

E concombrenan a ser bendi na restaurantnan, tienda y distribuidornan di cuminda entre 29 di april y 19 di mei y ainda por ta comestible e siman aki. A reporta malesanan entre 2 y 28 di april, segun e U.S. Centers for Disease Control and Prevention (CDC).

A detecta e brote como parti di un inspeccion seguido den april na un brote di 2024 cu a enferma 551 hende y a resulta den 155 hospitalisacion y 34 estado y Washington, D.C. den e brote ey, investigadornan a descubri e bacteria di salmonella conecta na hopi di e malesanan den un canal usa

granhanan opera pa Bedner Growers y Thomas Produce Company.

Den e brote actual, oficialnan a descubri e bacteria di salmonella for di muestranan riba e granha cu a compara muestranan for di hende cu a bira malo. Oficialnan di salud ta investigando unda e posible concombrenan contamina a ser distribui. Varios hende cu a bira malo a come concomber riba cruise ship saliendo for di Florida, segun CDC. Concombrenan organisa no a ser afecta, oficialnan a bisa.

Sintomanan di salmonella

ta inclui diarea, keintura, sacamento severo, deshidratacion y dolor di stoma. Mayoria hende cu bira malo ta recupera dentro di un si-

man. Infeccionnan por bira severo den muchanan chikito, adultonan mayor y hende cu sistema di inmuun debil, ken por ser hospitalisa.



WHO ta adopta un “acuerdo di pandemia” despues di e caos di COVID

(AP)—Paisnan miembro di e Organizacion Global di Salud (WHO) a aproba diamars un acuerdo pa miho preveni, prepara y responde na pandemianan den futuro despues di e devastacion cu coronavirus s trece cune.

Aplauso a echo den un sala na Geneva den cual e asamblea anual di WHO a tuma luga mientras e medida—debati y evalua durante e ultimo tres aña—a ser aproba sin oposicion. Merca, tradicionalmente e donante mas grandi na e agencia di UN, no tabata parti di e ultimo etapanan di e proceso despues cu e administracion di Trump a anuncia cu Merca lo retiro for di WHO.

Hopi lider a ofrece palabra di apoyo pa e agencia di salud, y a gaba e muestra di multilateralismo. Prome minister Indio Narendra Modi, papianando via video, a felicita WHO y e otro estado miembronan, yamando e acuerdo “un compromiso comparti pa combati pandemianan den futuro cu mas cooperacion mientras nan ta traha pa un planeta mas saludable.”

Mientras cu hopi sostenedor a gana e acuerdo “historico,” secretario di salud Mericano Robert F. Kennedy Jr. a entrega un critica di e agencia, bisando cu Merca tabata trahando cu paisnan “cu mesun interes” pa mehora e sistema di salud global y a haci yamado riba ministernan di salud den otro pais pa uni.

“Manera hopi institucion, WHO a keda pega bao presion burocratico, paradigma monan robusto, conflicto di interes y politica di poder internacional,” Kennedy a bisa den un declaracion via video. “Nos no mester sufrir di e limitenan di WHO moribundo. Ban crea un institucion nobo of bishita atrobe institucionnan existente cu ta limpi, eficiente, transparente y responsable.”

E administracion di Merca cita WHO su “mal maneho di COVID-19” y fracaso pa implementa reformanan necesario, y “China a demostra influencia politico” riba ciencia y politica na e agencia, e Departamento di Estado a bisa den un email.

Merca no ta mandando un delegacion pa e asamblea, cual ta core te 27 di mei. “Mi ta urgi na e ministernan di salud y WHO pa tuma nos retiro for di e organizacion como un wake-up call,” Kennedy a bisa. “E no ta cu presidente Donald Trump y ami a perde interes den cooperacion internacional. Nos djis kier pa e pasa den un manera cu ta husto y eficiente y transparente pa tur estado miembro.” China, mientras tanto, tabata subrayando su sosten pa WHO—ambos politicamente y financieramente. Vice premier Liu Gouzhong a bisa cu “tur banda mester sostene WHO firmemente pa hunga un rol central den coordinacion di gobernansa di salud global, y apoya WHO pa cumpli cu su deber den un manera independiente, pro-

fesional y basa den ciencia.”

China, el a bisa via un traductor, “lo provee un quota adicional di sosten financiero na WHO cu por agrega te cu 500 miyon dollar den e proximo cinco aña,” sin especificacion. No tabata inmediatamente cla si e esey a conta pa un compromiso financiero nobo for di Beijing.

E mision diplomatico di China den Geneva a bisa cu 500 miyon dollar lo inclui tarificanan mas haltu cu Beijing ta paga pa miembresia den WHO, como tambe algun contribucion boluntario y proyectonan sosteni via desarojo y programanan di cooperacion Chines.

Merca—di ken su contribucion pa WHO a para—tabata planea pa contribui mas cu 700 miyon dollar na e presupuesto actual di 2024-2025, mientras cu China tabata cla pa contribui mas di 200 miyon dollar, segun e website di e agencia di salud.

Presidente Frances Emmanuel Macron a bisa cu “algun ta kere cu nan por sin ciencia,” un parecido alusion na e recortenan financiero di Merca pa investigacion cientifico. “Esaki lo no solamente trece daño na salud di tur, pero e ta en principio di e poblacion di esnan cu ta retirando, den un manera, cu lo ta den gran peligro ora patogenonnan nobo surgen,” Macron a conta e asamblea via video.

E efectividad di e tratado tambe lo enfrenta duda pasobra



Merca—cual a aloca biyones den trabao rapido pa companianan farmaceutico desaroya vacuna di COVID-19—no ta tumando parti, y pasobra paisnan no ta enfrenta castigo si nan ignora e tratado.

Aunke el a ser adopta, ainda tin trabao duro cu mester haci.

Pasinan ta spera pa adopta pa e asamblea di otro aña un anexo na e tratado cu lo garantiza cu paisnan cu comparti muestranan di virus lo ricibi test, medicina y vacuna usa pa combati pandemianan, bao loke ta yama e Sistema di

Acceso di Patogeno y Compartimento di Beneficio.

Bao esaki, te cu 20% di productonan asina lo ser duna na WHO pa sigura cu paisnan den desaroyo tin acceso na dje. Tambe diamars, estado miembronan a acorda na un aumento di 20% den e tarifa cu paisnan ta paga na WHO, den un esfuerzo pa provee financiamiento mas regular compara cu e sosten boluntario—frecuentemente basa di programanan specifico y menos consistente—cu tradicionalmente a conta pa gran parti di su presupuesto.

Corsou posibel pais anfitrión pa cumbre mundial di Ombudsman

(Curacao.nu) – Ombudsman di Corsou, Keursly Concincion, a atende e Organo Gobernante Global di Instituto Internacional di Ombudsman (IOI) na Maroco e luna aki. Durante e encuentro aki, el a firma un acuerdo di cooperacion importante cu Ombudsman di Ontario, Canada, y a declara su boluntad pa ta anfitrión di e proximo cuer-

po Gobernante Global na Corsou na 2026. Esaki lo haci Caribe un anfitrión di e cumbre mundial aki pa prome biaha den historia.

Banda di ta Ombudsman di Corsou, Concincion ta fungi tambe como Regional Chair pa Caribe y Latino America dentro di IOI. E organisacion tin 205 miembro den mas cu 100 pais y ta promove coop-

eracion entre institutonan independiente di Ombudsman rond mundo.

Durante e reunion na Maroco, varios topico actual tabata riba agenda, entre otro e menasa pa independencia di e institutonan di Ombudsman, e admision di miembronan nobo y e evaluacion di e asina yama Principionan di Venecia, cu ta guia e funcionamiento di e institutonan di Ombudsman.



Cu e compromiso pa ofrece Corsou como pais anfitrión pa e reunion di IOI na 2026, Concincion ta fortalece e

posicion internacional di su instituto. E proposicion ainda ta ser discuti formalmente dentro di e hunta di IOI.

Cuerpo di bombero di Saba ta haya prome comandante femenino

(Bonaire.nu) – Cuerpo di Bombero Hulanda Caribense (BKCNC) tin dies comandante nobo. E gerentenan nobo a ser entrena pa dirigi nan ekiponan durante candela, accidente di trafico y otro situacion di emergencia na Boneiro, Sint Eustatius y Saba.



E comandantenan nobo a completa un programa di entrenamiento intensivo, den cua nan a ser entrena den combatimento di candela, servicio di emergencia

y atende cu substancia peligroso. Ademas nan a sigui un curso adicional pa combatimento di candela di avion, cu a keda conclui na april cu dos

dia practico.

Henter e entrenamiento a keda organisa na Boneiro door di e departamento di

Training & Ehercicio di BKCNC. E lesnan a ser brinda pa instructornan di unidad di bombero cu experiencia, cu sosten di un docente di Forsa Aereo Real di Hulanda. Un comision independiente cu experto di Boneiro, Sint Eustatius y Corsou a evalua e participante durante di e examen.

E prestacion di dos participante exitoso di Saba ta special: nan no ta solamente e prome comandante femenino riba e isla, pero

tambe ta representa un logro importante pa e cuerpo di bombero eyan. Dos participante tambe a pasa riba Sint Eustatius, mientras cu e otro seis comandante nobo ta bin di Boneiro.

Segun BKCNC, entrenamiento continuo ta esencial pa asina e comandante por actua rapido y efectivo den situacion di crisis. “Cu e inversion aki den conocimiento y liderazgo, nos ta fortalece seguridad riba tur tres isla,” e cuerpo a bisa.

Cuido di mucha na Boneiro, Saba y St Eustatius ta progresando, pero tin trabao pa haci ainda

(Bonaire.nu) – E calidad di cuida di mucha na Boneiro, Saba y Sint Eustatius a mehora atrobe, segun e ronda di inspeccion mas recien di Inspeccion di Enseñansa. Sinembargo, ainda tin bottleneck cu ta rekeri atencion, particularmente den e areanan di seguridad y estimulacion di desaroyo.

E aña aki, e inspeccion a bishita un total di 80 localidad di cuida di mucha, incluyendo centronan di cuida di mucha, acogida despues di scol y localidadnan di cuida di mucha. E bishitanan a tuma lugar den colaboracion cu inspectornan local riba e tres islanan. E inspeccionnan a enfoca riba asunto manera

administracion, personal, alohamento, seguridad, salubridad y calidad pedagogico.

Cambionan positivo ta notabel na hopi lugar. Mas y mas empleado tin e nivel corecto di educacion y ta sigui un curso di prome auxilio pa mucha tur aña. E materialnan di wega y programan di actividad tambe a ser mehora na varios lugar. Ademas tin mas atencion pa e desaroyo di e muchanan y e accionnan pedagogico di e supervisoran. Mas o menos un cuarta parti di e localidad awor ta cumpli cu casi tur rekisitonan.

Sinembargo, ainda tin trabao pa haci. Por ehempel, mas cu

un cuart di e localidadnan di cuida di mucha no tin un hende presente tur dia cu un certificado di prome asistencia pa mucha. Ademas, areanan paden y pafor no ta sigur of bon diseña tur caminda. Na casi 20% di e lugarnan, muchanan ainda no ta suficiente stimula den nan desaroyo of un acercamento positivo ta falta.

Supervision y futuro

A base di e bishitanan di inspeccion, tur localidad di cuida di mucha ta ricibi un rapport di conseho cu puntonan pa mehoracion. Nan por ricibi sosten di coachnan pedagogico of via e programa BES(t) 4 kids. E iniciativa aki, lanta den colaboracion cu partidonan local, ta yuda



organisacionnan di cuida di mucha pa mehora nan calidad.

E inspeccion lo sigui vigila anualmente den e proximo añanan. E ley nobo di cuida di mucha di BES lo drenta na vigor dia 1 di januari 2026. Tur localidad di cuida di mucha mester cumpli cu e set completo di rekisito di calidad. Esnan cu no ta cumpli cu

e rekisitonan aki por ser confronta cu medidanan, manera un orden di recuperacion of den casonan extremo, ceraemento temporal.

Por lesa e relato completo di inspeccion riba e website di Inspeccion di Enseñansa. E contesta di Secretario di Estado Jurgen Nobel (SZW) tambe por ser haya eyan.

Hulanda ta bin na yudansa di polis di Boneiro

(Bonaire.nu)– Cuerpo policial na Boneiro ta luchando cu un scarsidad serio di personal. Actualmente tin solamente diesshete trahador full time, mientras cu 45 ta necesario pa haci e forsa funciona corectamente. Asina Secretario di Estado, Teun Struycken di

Proteccion Huridico a bisa diamars durante un debate den Tweede Kamer.

Segun e minister di e NSC, alivio parcial lo bin di september: binti ekivalente di full time lo drenta for di e opleiding di polis. Te e ora ey polis Hulandes lo interveni

cu dies FTE y Royal Marechaussee lo provee dos FTE mas pa sostene accesibilidad y asistencia di emergencia riba e isla.

Segun Struycken, e esfuerso ta necesario pa mantene e cuerpo policial riba e isla. E rapport di State of Law Enforcement cu a keda publica

siman pasa a informa entre otro cu e number di emergencia na Boneiro no ta semper alcansabel y cu yudansa di emergencia no tur ora ta disponibel mesora.

Miembro di parlamento Faith Bruyning (NSC) a critica e gabinete fuertemente. “Si nos no por garantisa cu servicio di

emergencia ta presente, nos ta fayando colectivamente. Con nos a permiti esaki como gobierno central?” Secretario di Estado Struycken no a contesta e pregunta ey den detaye, pero a menciona e refuerso di personal planea como un contesta na e preocupacionnan.

Corsou: Formacion di gabinete di Pisas ainda no ta completo

(Curacao.nu) – **Formacion di gabinete nobo bao di liderazgo di formador Chester Peterson no a keda cla ainda. E screening di minister candidato ta andando ainda, manera ta bisto for di e di dos rapport interno cu Peterson a presenta na Gobernador Lucille George-Wout diamars atardi.**

Algun di e servicionan responsabel pa e investigacion di integridad den cuadro di e Ordenansa Nacional pa Minister (candidato) di Integridad awor a finalisa nan trabao. E formador ainda ta wardando e resultadonan pa otro candidatonan. Tra-
baonan tambe ta sigui riba e programa di gobierno.

Durante e consulta cu for-

mador, gobernador un biaha mas a enfatisa e importancia di cuido y integridad den e proceso di formacion. El a señala cu mester cumpli cu e Ordenansa Nacional no solamente riba papel pero tambe den espiritu.

Peterson lo reporta back na Gobernador riba e progreso di su trabao pa mas tarda 2 di juni.



Gang di motorcycle prohibi a recluta ladronnan cu a horta tesoronan Rumano na Assen

(NLTimes) – **E gang di motorcycle prohibi Hardliners a recluta e ladronnan cu a horta tesoronan Rumano for di e Museo Drents na Assen na januari, fuentenan den e mundo criminal y rond di e investigacion policial a bisa RTL Nieuws. Segun e emisora, un criminal Rumano ta responsabel pa e ladroncia y tin intencion di usa e artefactonan di oro como un chip di negociacion pa evita prizon.**

E ladronnan a usa un bom di klapchi y martiu pa kibra drenta den e Museo Drents na Assen durante oranan di marduga di 25 di januari. Segun informe nan a kibra dos vitrina y a sali cu e helm di Cotofenesti y tres armband di oro. E piesanan di arte valio-



so, cu ta data di mas cu 2.500 aña pasa, ainda ta perdi. Polis ta kere cu e artefactonan ta intacto ainda y no a ser gesmelt. Esaki ta sostene e creencia aki. “E indicacionnan ta montona cu e helm no a ser gesmelt,” un fuente cerca di e investigacion policial a bisa RTL. “Probablemente e ta un caminda cerca di Heerhugowaard, lora den un serbete.”

Den e lunanan despues di



e ladroncia, polis a detene shete sospechoso, casi tur di nan di Heerhugowaard. E tres sospechosonan principal ta Douglas W. (36), Bernhard Z. (35), y Jan B. (20). E ultimo sospechoso a ser deteni solamente na april despues cu un operacion encubri no a logra convence pa revela e paradero di e tesoronan hota.



Di acuerdo cu fuentenan di RTL, e gang di motorcycle prohibi Hardliners a yuda pa recluta e hombernan aki.

“Nan a ser priminti 15.000 euro pa persona,” un fuente di e mundo criminal a bisa. Un di e sospechosonan supuestamente ta un aspirante pa bira miembro di e Hard-



liners. E fuentenan di e emisora tambe a bisa cu e tesoronan Daciano a ser horta riba orden di un criminal Rumano grandi, kende kier usa e artefactonan horta como un chip di negociacion pa evita prizon. E fuentenan no a bisa ken e criminal aki ta.

Polis ta identifica curpa di muchanan perdi, tata secuestrador

(NLTimes) – **Investigador a identifica e curpa di Emma y Jeffrey, dos mucha perdi for di diasabra, despues cu a haya restonan den un auto sumergi cerca di Winschoten, polis a confirma na e famia diaranson mainta.**

E curpa di e tata di e muchanan, kende a secuestra su yiunan diasabra, tambe a ser haya den su auto. Un habitante di e pueblo natal di e muchanan di Finsterwolde a lansa un campaña di crowdfunding riba GoFundMe pa colecta fondo pa nan entiero.

E famia ta den “shock, rabia y profundamente tristo,” segun un declaracion di Namens de Familie publica na nomber di miembronan di famia cu a sobrevivir. Nan ta pidi pa privacidad pa yuda nan procesa e sucesonan. “Ni un solo palabra ta yega cerca di loke nos ta sinti. Nos no por kere, y en

realidad nos no kier kere,” e famia a bisa. Nan a gradici tur hende cu a purba di haya e muchanan.

Un Alerta Amber a ser emiti diadomingo despues di e desaparicion di Jeffrey (10) y Emma (8) un dia prome. Potretnan y e number di e tata tambe a ser comparti. Esaki a bin despues cu polis a haya evidencia cu e homber, un habitante di Beerta di 67 aña, tabata menasa di kita bida di su yiunan y tambe esun di dje. E tata a bay cu su yiunan diasabra atardi. E auto cu el a hiba nan aden a ser mira pa ultimo biaha pa 3:45 p.m. Un buskeda extenso a sigui e Alerta Amber den cua polis, e ekipo di buskeda di Veterano, y centenares di boluntario a purba di haya e muchanan.

A ser informa diamars pa AD cu e amigonan di e tata na Alemania a kita su yabi di auto for di dje pasobra nan ta-

bata preocupa cu e tabata bay haci algo cu e lo lamenta. Asina mes e tata a core bay for di e area uzando su yabi di reserva sin cu nan tabata sa. Tambe el a bisa un otro amigo di dje cu e tabata bay “hiba su yiunan paraiso.”

Hende a pone flor y teddy bear na e sitio caminda a haya e auto, un reportero di ANP a declara. E auto, un Toyota Avensis, a ser haya den awa pa 8:30 p.m. riba diamars. A saca esaki for di awa cu ayudo di un grua. Rapidamente a ser informa cu a haya curpa den e auto, cu confirmacion cu e curpanan ta pertenece na e muchanan perdi y nan tata.

E alcaldenan di Oldambt y Eemsdelta na Groningen, cu ta inclui Finsterwolde, a papia di nan tristesa ora nan a tende e noticia. “E escenario di mas sombrío lamentablemente a bira un realidad. Esaki ta un resultado dramático

pa e famia, amigonan, pero tambe compañeronan di klas y ex compañeronan di klas y amigonan. Y tambe pa tur hende cu a mete den e situacion” asina alcalde Cora-Yfke Sikkema di Oldambt a bisa. “Esaki ta un fin inmensamente tristo pa dianan di incertidumbre cu a afecta nos profundamente. Nos pensamentonan ta prome cu e mama di Jeffrey y Emma y e famia inmediato. Nos ta sinti e tristesa aki den nos sociedad,” e alcalde di Eemsdelta, Ben Visser a bisa.

E campaña di crowdfunding lansa pa e entiero di e muchanan a colecta ariba 6.000 euro rapidamente, cu un meta di 14.000 euro. E proyecto a cuminsa “cu permiso di e famia, pa yuda nan duna e dos yiunan dushi un despedida digno,” e dama cu a organisa e campaña di donacion a skirbi.

“Tur donacion lo bay pa e entiero di Jeffrey y Emma,” el a bisa. “Danki di antemano pa boso sosten, tambe na nomber di famia di Jeffrey y Emma.”



Bolivia: Tribunal Electoral ta prohibi ex lider Morales y ta suspende un candidato clave

(AP) — Tribunal Supremo Electoral di Bolivia a descualifica ex-presidente Evo Morales di participa den eleccion presidencial na augustus, y a suspende e candidatura di e otro candidato isquierdista principal, inmediatamente propulsando e partido socialista di presidente Luis Arce den e tango di faborito, a pesar di su impopularidad.

E movida a enfoca riba e dos retadornan isquierdista mas fuerte contra e nominado di Arce: Morales, e prome presidente indigena di Bolivia cu a goberna e pais di 2006 te su retiro na 2019; y Andronico Rodriguez, e presidente hoben di Senado cu ta bin di e bastion rural di Morales.

Tanto Morales como Rodriguez a priminti di bringa e decision y a condena nan como un golpi contra e democracia fragil di e nacion Andino.

“E partidonan cu kier sostene mi a ser persigui,” segun Morales, kende ainda tin sosten ferviente den su bastion tropical. “E bataya no ta perdi. Nos ta bay bringa un bataya social y legal.”



Riba rednan social, el a expresa alarma tocante “e menasa grave cu enfrendando democracia awe.”

Morales ripitidamente a priminti cu Bolivia lo “convulsiona” si e tribunal electoral prohibie di participa den eleccion, aumentando un sentido di crisis na caminda pa e voto profundamente polarisa, programa pa dia 17 di augustus.

Presidente Arce a rechasa nan critica, pidiendo solamente pa “e disputa electoral no genera inestabilidad politico y economico.”

Rodriguez – un candidato cu cara fresco di 36 aña di edad,

kende a genera emocion entre votadornan desilusiona cu e di cinco postulacion presidencial di Morales y indigna cu e maneho di Arce pa e pio crisis economico di Bolivia den 40 aña – tambe a convoca protesta contra loke el a yama “un decision politico” pa suspende su candidatura. “Ningun veredicto ni decision hudicial impulsa pa interes politico por anula e voluntad di e pueblo,” el a skirbi riba X.

Tribunal Supremo Electoral a duna motibonan estrecho, tecnico pa e decisionnan mientras e bentana a cera pa candidatonan registra nan partidonan politico.

Un lucha pa poder entre Mo-

rales y su ex-aliado y minister di Finanzas, presidente Arce, a fractura nan partido Movimiento pa Socialismo (MAS), forsanando Morales pa sali y crea su propio partido politico.

Arce, kende su popularidad a cay mientras inflacion ta aumenta y escasez di combustible ta paralisa e pais, a retira di e eleccion siman pasa, y a nomina su minister senior, Eduardo del Castillo, como candidato di partido MAS.

Un abogado leal na Arce, kende a supervisa accion di polis contra protestanan anti-gobierno aña pasa, Del Castillo a lucha pa comanda e sorto di sosten disfruta pa Morales y Rodriguez.

Divisionnan tambe ta kibrando e voto den e derecha, cu a laga e movimiento anti-MAS sin un candidato lider cla pa probacha di loke de lo contrario lot a e prome chens real di oposicion pa victoria despues di casi dos decada di gobierno isquierdista.

“Morales ta fuera di eleccion,” Tahuichi Tahuichi, miembro di e board, a declara diamars.

Descualificacion di Morales, maske controversial, tabata

spera. Su fraccion politico recien forma, “Evo Pueblo” no tin status di partido oficial, segun e tribunal electoral, mientras un partido aliado cu tabatin plan pa carga su candidatura no a cumpli cu otro rekisitonan legal.

Hasta mientras Morales a continua insistiendo riba e legitimidad di su candidatura, un veredicto divisivo di Tribunal Constitucional ta prohibi ciudadanonan di participa pa mas cu dos termino presidencial, complicando tambe su caminda back na e presidencia.

Algun analista ta mira e veredicto – haci pa huesnan alia na Arce cu a interferi den eleccion hudicial pa extende nan propio termino – como emblematico di con e hudiciario na Bolivia ta mina pa pelea politico.

Mas sorprendente tabata e decision di e tribunal di suspende candidatura di Rodriguez pendiente un audiencia riba e legalidad di su aliansa politico. Huesnan a acepta su apelacion y a pone un prome sesion tribunal pa ayera diaranson.

*Riba potret:
Andronico Rodriguez.*

Colombia: ONU ta adverti di ‘tragedia andando’ mientras gruponan indigena ta enfrenda extincion

(AP) — Oficina di ONU pa derechonan humano na Colombia a adverti diamars cu cinco grupo indigena na un rango montañoso ta enfrenda extincion ‘fisico y cultural’, un menasa critico cu ta bin di gruponan arma batayando pa nan teritorio, y proteccion estatal insuficiente.

Scott Campbell, representante di Colombia pa e Alto Comisionado di ONU pa Derechonan Humano, a bisa den un declaracion cu e riesgo di extincion fisico y cultural di e Pueblo Indigena di Sierra Nevada de Santa Marta ta “un tragedia andando cu nos por y mester preveni.”

Campbell a urgi gobierno Colombiano pa protege e gruponan indigena Kogui, Wiwa, Kankuamo, Arhuaco y Ette Naka, kende nan poblacion combina ta aproximada-

mente 54.700 persona.

E declaracion di Campbell a bin despues di un bishita na e region Sierra Nevada, unda oficialnan di ONU a papia cu representantenan di e tribunan indigena aki.

“E gruponan aki ta bao diferente forma di atake cruel di gruponan arma no-estatal,” Campbell a bisa, resaltando e “repercusionnan devastador riba nan bida, nan tereno, nan teritorio, nan autodeterminacion... y nan spiritualidad.”

Na 2022, UNESCO a agrega e conocimiento ancestral di e gruponan indigena aki na su lista di Herencia Cultural Intangible di Humanidad. E reconocimiento ta resalta e “rol fundamental” cu nan tradicionnan ta desempeña den preserva Sierra Nevada de Santa Marta – un rango di montaña cu ta sali directamente for di lama Caribe y tin cumbrenan cu sneeuw al-

cansando casi 6mil meter.

Pero pa hopi aña, e pueblonaindigena di Sierra Nevada ta bao atake di colonistanan, y awo di gruponan rebelde.

Campbell a bisa cu e gruponan rebelde den e area ta imponiendo toque de queda riba comunidnan indigena y interferiendo cu nan asambleanan local. El a agrega cu centenares di indigena for di Sierra Nevada de Santa Marta a keda desplasa forzosamente, mientras aña pasa, un lider di comunidad Arhuaco a ser asesina y un miembro di tribu Kogui a desaparece.

Gobierno Colombiano ta lucha pa calma areanan rural unda gruponan rebelde y gangnan traficante di droga ta bataya pa teritorio bandona pa e Forsanan Arma Revolucionario di Colombia (FARC), e grupo di guerrilla grandi cu a firma paz cu gobierno na 2016.



Presidente Gustavo Petro a lansa negociacionnan di paz cu mayoria di e gruponan rebelde restando na e pais, pero e negociacionnan ainda no a duna ningun resultado te awo.

Campbell a urgi gobierno pa protege e pueblonan indigena den Sierra Nevada, no solo

mediante forsa militar, pero door di provee miho acceso na cuido di salud, educacion y oportunidadnan di empleo. “E situacion violento tin raiz den disputanan tocante control di teritorio, rutanen di trafico di droga y varios forma di actividad economico ilicito di gruponan arma no-estatal,” Campbell a bisa.

Haiti: Merca lo cancela Status Proteccion Temporal pa Haitianonan na augustus

(DiarioLibre) – Miyones di hende, hopi di nan di nacionnan den conflicto, ta biba legalmente na Merca bao di varios forma di proteccion legal temporal. Hopi a ser afecta pa e represion di inmigracion di administracion di presidente Donald Trump.

Dialuna, Corte Supremo a permiti gobierno pa cancela e proteccionnan cu a permiti alrededor di 350 mil inmigrante Venezolano pa keda na Merca. E grupo ey por enfrente deportacion.

Gobierno tambe lo cancela e designacion pa casi mey milyon Haitiano na augustus.

Venezolanonan tabatin un forma di proteccion conoci manera Status Proteccion Temporal (TPS). Oficialnan di gobierno a ordena pa e

status ey caduca pa e Venezolanonan ey na april. Corte Supremo a anula e decision di un hues federal cu a para e plannan di e administracion.

Status Proteccion Temporal ta permiti hendenan cu ya ta biba na Merca pa keda y traha legalmente pa te cu 18 luna si nan pais natal ta insurgur pa motibo di inestabilidad civil of desasternan natural.

E administracion di ex presidente Joe Biden a expande e designacion drasticamente. E ta cubri personanan di mas di un dozijn di pais, aunke e mayoria ta bin di Venezuela y Haiti.

E status no ta pone inmigrante riba un caminda di largo plaso pa ciudadanía y por ser renoba ripetidamente. Criticonan ta bisa cu renobacion a bira efectivamente automati-



co pa hopi inmigrante, sin importa kico tabata pasando den nan pais natal.

Status Proteccion Temporal a cubri e 350 mil Venezolano afecta pa e decision di Corte Supremo dialuna. Alrededor di 250 mil Venezolano mas, cubri pa un designacion anterior di TPS, lo perde e proteccion ey na september.

Mas cu 500 mil hende di loka-

tin biaha ta ser yama paisnan CHNV—Cuba, Haiti, Nicaragua y Venezuela—ta biba na Merca bao di e instrumento legal conoci como libertad condicional humanitario.

Pa bini na remarca pa e beneficio aki, hende mester a bula bay Merca riba nan propio gasto y tin un sponsor financiero. Nan no por a dreña e pais via frontera di Mexico. Pa mayoria hende, e designa-

cion ta dura dos aña.

Siman pasa, gobierno a pidi Corte Supremo pa permitie cancela e permisionan pa inmigrantenan di e cuater paisnan ey. Di acuerdo cu e apelacion di emergencia, e orden di e corte mas abao a invadi e autoridad di e Departamento di Seguridad Nacional ero-neamente.

Tanto e administracionnan republicano como democratico na Merca a usa libertad condicional humanitario pa decananan pa hendenan cu no por usa canalnan di inmigracion regular, sea pa motibo di presion di tempo of relacionnan malo entre nan pais y Merca.

A pesar di su nomber na Ingles (“parole”), e programa no ta relaciona cu e sistema di husticia penal.

Puerto Rico: Rechaso y advertencia tocante medida den Senado cu ta limita acceso na informacion

(ElNuevoDia) – En bes di amplia e derecho di e publico na acceso na informacion cu instancianan tin, e proyectonan di ley di Senado 63 y 331 ta impone rekisito y obstaculonan adicional pa e proceso ya burocratico y dificil, varios organisacion y entidad a adverti durante audiencianan publico cu a tuma luga, como contesta na e falta di audiencianan den Legislatura pa tur dos medida.

“Na Puerto Rico, e reconocimiento di e derecho aki como fundamental ta nifica cu cualkier interferencia significativa cu acceso na informacion ta ser presumi invalido y por ser sosteni solamente si e Estado demuestra precies y sin duda cu e interferencia ta necesario pa salvaguardia un interes gubernamental convincente y cu no tin alternativa menos restrictivo pa acceso na informacion publico,” Luis José Torres, director di e Proyecto di Acceso na Informacion a enfatisa, argumentando cu tur dos medida “ta faya severamente pa supera e punto aki.”

Proyecto di Ley di Senado (SB) 63—skirbi pa Presidente di Senado Thomas Rivera Schatz—ta impone rekisitonan adicional riba

peticionnan di informacion a traves di amienda na e Ley di Transparencia y Proceduranan Acelera pa Acceso na Informacion Publico. Mientras tanto, e Proyecto di Ley 331 di Senado—skirbi pa Senador Juan Oscar Morales—ta busca pa establece e confidencialidad di e base di dato di mortalidad y certificadonan emiti pa e Registro Demografico (morto y nacemento). Senado no a trece ningun di e medidanan aki pa audiencianan publico, a pesar di e hecho cu e Proyecto di Ley 331 di Senado a pasa e Comision di Regla y Kalender siman pasa cu un rapport positivo.

E audiencianan publico a ser convoca pa e Programa di Transparencia di e Centro pa Periodismo Investigativo (CPI) y e Asociacion di Abogadonan di Puerto Rico (CAAPR). Ademas di e Proyecto Inter-Americano di Acceso na Informacion, e Clinica di Derecho Ambiental di Universidad di Puerto Rico (UPR), e organisacionnan Furia y Sembrando Sentido, y e Union Mericano di Libertadnan Civil (ACLU) tambe a participa. Otro gruponan di entidad a testigua, tur cu historianan cu ta sostene e importancia di acceso na informacion publico, e retonan cu ta existi den e

cuadro legal actual, y con e medidanan propone lo agrega obstaculonan.

“Nos ta compronde cu e no ta fortalece e cuadro huridico actual pa acceso na informacion publico di ningun manera. Al contrario, e proyecto di ley propone ta revoca significativamente e procesonan di peticion di acceso, ta agrega burocracia innecesario, ta elimina e exigencianan di formato esencial pa analisa e informacion pidi, ta habri e porta pa e divulgacion indiscrimina di informacion considera confidencial, ta presta e mes na divulgacion di informacion priva tocante individuo y solicitantenan di informacion, y ta disminui e podernan di e Poder Huidicial,” Issel Masses, director di Sembrando Sentido, a declara durante e di dos dia di audiencia na CAAPR.

Entre e cambionan proponi pa PS 63, e fecha limite pa entrega informacion lo ser aumenta na 20 dia di trabou, for di e 10 dianoan actual, y un 20 dia adicional como un extension, pa un total di 40. Sumando dianoan di fiesta y fin di siman, e tempo real lo ta dos luna. Multiple cuenta y evidencia, incluyendo e experiencia di e periodistanan di El Nuevo Día mes, ta muestra cu, den practica, instancianan



ta tarda excesivamente e lanzamiento di informacion publico, hasta informacion cu mester ser publica riba nan websitenan. Entre e organisacionnan cu a destitui, tin consenso cu e amiendanan proponi lo empeora e situacion.

Masses a informa cu, den e caso di Sembrando Sentido, e organizacion a entrega mas cu 27 peticion formal pa informacion, di cual algun a caba den corte pa motibo di falta di un contesta di gobierno. “Den ningun di e casonan aki nos a bay Corte sin warda prome por lo menos cinco luna pa un contesta. Semper nos a muestra flexibilidad,” e director a remarca, resaltando

e consideracionnan cu e peticionarionan hopi biaha tin, hasta ora cu ley ta establece cierto parameternan.

Lorimar Escudero, un abogado di politica y legislativo na ACLU di Puerto Rico, a enfatisa cu PS 63 “ta lanta preocupacionnan hopi serio pa loka ta trata e ejercicio di e derecho constitucional di acceso na informacion publico, cu ta fundamental pa democracia participativo.” “Ta cla cu gran parti di loka ta ser proponi ta parce di ta nada mas cu un intento pa limita e derecho di e pueblo riba informacion y dato tocante e publico su conducta di gobi-erno,” el a bisa.

Busto di Jim Morrison horta for di e graf di e cantante na Paris den añanan 80, finalmente recupera

(AP) —Polis a haya un busto di Jim Morrison cu a ser horta casi cuatro decada atras for di su graf na Paris, cu pa largo ta un sitio di pilgrimahe pa fanaticonan di e poeta y cantante legendario di The Doors.

E busto horta na 1999 for di santana Pere-Lachaise a ser haya durante un investigacion no-relaciona conduci pa e unidad di anti-corupcion financiero, polis di Paris a bisa den un post riba Instagram dialuna. No tabatin informacion inmediato si lo debilbe e busto na e graf of ki otro investigacion por tuma lugar.

Morrison, e cantante di clasiconan di The Doors incluyendo “Light My Fire,” “Break on Through,” y “The End,” a ser haya morto na

un baño na Paris cu 27 aña di edad, na 1971. A der’e na Pere-Lachaise, e santana di e ciudad cu ta e ultimo lugar di descanso pa cantidad di artista, escritor y otro luminario cultural, incluyendo Marcel Proust, Oscar Wilde, Gertrude Stein y Edith Piaf.

E busto, di 300ln, a ser traha pa escultor Croata, Mladen Mikulin, y a ser agrega na e graf na 1981 pa e di 10 aniversario di morto di e cantante.

“Mi ta kere lo ta increible si nan pone e busto back riba unda e tabata y lo atrae asina hopi mas hende, pero e santana no lo ni ta capaz di ricibi tanto hende,” guia di tour di Paris, Jade Jezzini a bisa AP. “E cantidad di hende cu lo rush akiden djis pa bira e busto pa saca potret di dje, lo ta increible.”

Conoci pa su letranan scur,

cabey largo, carson di cuero, presencia teatrico riba escenario y manierismo mistico, Morrison a inspira generacionnan di acolito cu ta congrega na su graf pa refleha y algun biaha pa celebra, incluyendo un reunion mayor pa e di 50 aniversario di su morto. Hopi biaha a cubri e sitio cu flor, graffiti poetico y boter di alcohol laga den tributo.


E tabata pasando den un renaissance cultural na momento cu a horta e busto na final di añanan 1980, cu a peak cu e peligula di Oliver Stone na 1991, “The Doors”, den cual Val Kilmer, kende a fayece na april, a interpreta Morrison.

Morrison tabata co-fundador di The Doors na Los Angeles na 1965, hunto cu Ray Manzarek. Robby Krieger y

John Densmore a join tiki despues.

E banda y su cantante principal a dura cortico pero tabata briyante, lansando albumnan incluyendo “The Doors” “Strange Days,” y “Morrison Hotel,” cu e sitio na California cu a dun’e su number y imagen di portada a keda dañu seriamente den e candela aña pasa.

Despues di nan album final, “L.A. Woman” na 1971, Morrison a muda na Paris. Su causa di morto a keda identifica como fayó cardiaco,



maske no a haci un autopsia pasobra esaki no tabata rekeri pa ley. Disputa y mito a rondona su morto y a agrega na su misterio.

Miembronan di trio di rap Irlandes, Kneecap, acusa di terrorismo na Reino Uni

(AP) — Polis Britanico ayera a acusa un miembro di grupo di hip-hop Irlandes, Kneecap, cu ofensa di terrorismo pa zwaai un bandera di Hezbollah na un concierto.

Cuerpo di Polis Metropolitan a bisa cu Liam O’Hannaidh, 27, a keda acusa bao di e Ley di Terrorismo pa desplega un bandera den sosten di un organizacion proscribi. E supuesto ofensa a sucede na e Kentish Town Forum, un edificio na Londres, dia 21 di november 2024.

Polis a bisa cu e musico – kende su number artistico ta Mo Chara, y na kende polis a referi usando e ortografia Ingles di su number, Liam O’Hanna – mester presenta na corte dia 18 di juni.

Anteriormente e luna aki, polis a bisa cu detectivenan anti-terrorismo tabata investigando Kneecap, despues cu videonan a bin dilanti cu lo tabata muestra e banda gritando “ariba Hamas, ariba Hezbollah” y haciendo un yamado pa hende mata legisladornan.

Despues cu e investigacion di polis a keda anuncia, Kneecap a bisa cu “nunca a sostene Hamas of Hezbollah,” y a acusa “figuranan di establecimiento” di saca comentarionan fuera di contexto pa “fabrica histeria moral.”

E trio di Belfast a keda elo-

gia pa duna vigor na e escena cultural di idioma Irlandes den Irlanda di Norte, unda e status di e idioma ta keda un asunto politico contencioso den un sociedad ainda dividi entre comunidannan unionista Britanico y nacionalista Irlandes.

E tambe a ricibi critica pa letranan yen di groceria y referencia na droga, y pa declaracionnan politico.

Polis a bisa cu ainda ta investigando video di otro concierto di Kneecap na november 2023.

Varios concierto di Kneecap a keda cancela como resultado di e controversia, y algun legislador Britanico a haci un yamado pa organisadornan di Festival Glastonbury otro luna pa cancela un presentacion planea.

Kneecap no tabata bon conoci pafo di Irlanda di Norte prome cu e publicacion di un pelicula basa libremente riba e origen di e banda, y impulsa pa un mezcla pisa di droga, sex, violencia, politica y humor.

Miembronan di e grupo a actua como nan mes den “Kneecap”, cu a gana un premio di audiencia ora a mustre na e Festival di Cine di Sundance na 2024. El a keda shortlisted pa miho pelicula den idioma stranhero y miho cantica original na e Academy Awards e aña aki, maske no a logra e cut final.



M A R E A
Mornings at Marea
8AM TO 11AM

JOIA
BY IBEROSTAR

sliced avocado
two poached eggs
Sourdough toast

RESERVATION NUMBER: 699-9317
@marea.aruba

Rapper Kid Cudi lo para testigo na e huicio di Sean ‘Diddy’ Combs e siman aki



(AP) — Sean “Diddy” Combs su assistent personal di un tempo a testigua diaranson cu e tabata encarga cu limpieza di cambarnan di hotel despues di e maratonnan di sex di e magnate di hip-hop — tirando boter di alcohol bashi, azeta di baby y droga, drechando cusinchi y hacie parce manera nada no a pasa.

Implicito den e trabou tabata cu “proteg’e y proteha su imagen publico tabata importante p’e,” George Kaplan a bisa huradonan na e huicio di trafico sexual di Combs den corte federal na Manhattan.

“Esey ta loke mi tabata entusiasma pa haci,” Kaplan a bisa.

Kaplan, kende a traha pa Combs di 2013 pa 2015, a bisa cu e fundador di Bad Boy Records tin biaha lo a yam’e na un camber di hotel pa entrega un “kit di remedi,” un saco yen di pilder di receta y remedi pa dolor sin respet. El a bisa cu Combs tambe a mand’e pa cumpra droga, incluyendo MDMA, tambe conoci como extacy.

Kaplan, di 34 aña, a haya inmunidad pa testigua despues di a bisa corte na prome instante cu e lo invoca su derecho di Cinco Amienda contra di incriminacion propio. Fiscal ta sostene cu Combs a depende di empleadonan y a usa su imperio di musica y moda pa facilita y tapa su comportacion, tin biaha haciendo menasa pa tene nan den liña y su mal conducta silencioso.

Kaplan a testigua cu Combs tabata menasa su trabou riba un base mensual, un biaha reprim’e pa cumpra awa di boter di e tamaño robes. E pareha di hopi tempo di Combs, e cantante di R&B Cassie, a testigua cu Kaplan a stop despues di a mira Combs batie.



Kaplan su testimonio ta sigui diahuebs. E lo ser sigui pa e rapper y actor Kid Cudi.

Cudi, kende su nomber legal ta Scott Mescudi, ta spera di testigua tocante su relacion cortico cu Cassie na 2011. Fiscalnan ta bisa cu Combs tabata asina molestia cu el a regla pa laga bombardia e auto convertibel di Cudi.

Tambe diaranson, un agente federal a mostra huradonan dos arma di candela cu el a bisa a ser haya den un incursion na maart 2024 na cas di Combs den area di Miami, hunto cu potretnan di municion y un caha di palo marca “Puffy” — un di su apodonan — cu e agente a bisa tabata contene psilocybin, MDMA y otro droganen.

Investigadornan tambe a haya articulonan cu fiscalnan ta bisa tabata marcanan distintivo di “freak-offs,” incluyendo decena di boter di azeta di baby y lubricante, asina e Agente Special di Investigacion di Seguridad Nacional, Gerard Gannon, a bisa.

E abogado di Combs, Teny Geragos, a sugeri cu e buskeda — cu a enbolbi 80 pa 90 agente, un vehiculo getint cu a kibra e porta di seguridad, empleadonan cu boei y patruyanan di boto — tabata di mas. Tambe a listra e cas grandi di Combs na Los Angeles.

Gannon a confirma cu e investigacion federal a cuminsa e dia despues cu Cassie a presenta un demanda na november 2023 alegando cu Combs a abusa di dje pa añanan y a enbolb’e den centenares di “freak-off” cune y trahadornan sexual masculino. Pronto el a conforma cu 20 miyon dollar, el a bisa.

Combs a declara su mes no culpabel na acusacionnan cu ta alega cu el a probecha di su fama y fortuna pa con-

trola Cassie y otro hende a traves di menasa y violencia. Su abogadonan ta bisa cu e evidencia ta refleha violencia domestico, no raket of traficacion sexual.

Huradonan tambe a tende di un psicologo cu a profundisa den e complejidad di relacion abusivo. Dawn Hughes



a splica cu victima hopi biaha ta experencia un “sentimiento abou di nan mes” y tin e tendencia di keda cu abusador pasobra nan ta anhela amor y compasion cu nan a experencia den e “fase di luna di miel” trempa di un relacion. Hughes tambe a splica con e memoria di un victima tin biaha por bira bruha — man-

teniendo conscientisacion di abuso, pero mesclando detayenan. Hughes, kende a ser paga 6000 dollar door di e fiscal pa testigua, no a analisa of menciona. Cassie of Combs, pero su testimonio tabata paralelo na algun di loke Cassie a bisa cu el a experencia cune.

WORKSHOP KLIK Y SIÑA PA ADULTO MAYOR

E mundo digital ta pa tur edad!
#EnergiaPaSiña

FREE WORKSHOP!

Un workshop di 5 siman, tur diasabra



Diasabra, 24 di mei
10:00 AM - 12:00 PM
2:00 PM - 4:00 PM



Y.M.C.A. San Nicolas,
Pastoor Hendrikstraat 55



Jacqueline Woodley
Workshop Coach



PASA NA Y.M.C.A PA YENA BO FORMULARIO DI
REGISTRACION DIA 16, 21 Y 22 DI MEI ENTRE 3:30 – 5:30 PM,
OF DIA 17 DI MEI ENTRE 9:00 – 11:00 AM.

Un festival deportivo nobo na Las Vegas ta laga atletanan usa droga cu ta mehora nan rendimiento

(AP)—E Enhanced Game, un festival deportivo cu ta calcula su mes como mihor cu e Weganan Olimpico pasobra e ta permiti atletanan beneficia di uso di remedinan cu ta mehora rendimiento, lo cuminsa otro aña na Las Vegas durante e weekend di Memorial Day.

E competencia inaugural na Sin City lo conta cu natacion, atletismo y hisamento di peso, den un evento diseña pa stroba un status quo den e movimiento internacional contra doping cu algun ta sinti ta fracasa.

Un di e sostenedornan clave ta un grupo yama 1789 Equity respalda den parti pa Donald Trump Jr. El a agrega financiamiento “den miyones di dos cifra,” segun e fundador

di weganan Aron D’Souza. Atletanan lo competi pa te cu 500.000 dollar pa cada evento, cu bonusnan cuminsando na 250.000 dollar pa esnan cu kibra record.

E Australiano James Magnussen, kende a gana medaya den landamento den e Weganan Olimpico di 2012 y 2016, tabata e prome atleta cu a compromete. Desde e tempo ey el a ser compana pa landadornan Kristian Gkolomeev, Andrii Govorov y Josif Miladinov. Gkolomeev a competi den cuater Weganan Olimpico, incluyendo aña pasa na Paris. Govorov tabata na e Weganan Olimpico di 2016 y Miladinov a landa den e Weganan Olimpico di 2021.

Magnussen a bisa cu el a sigui reglanan di World Anti-Doping Agency y a haci numeroso

test a traves di e organisacion y Sport Integrity Australia.

“E tabata frustra mi tin biaha cu no ta tur atleta a tene na e mesun guianan,” Magnussen a bisa. “Pero mi ta kere cu e dos organisacionnan aki ta sinta basta separa, y mi tin opinion hopi fuerte cu remedinan cu ta mehora rendimiento no mester ser usa den deporte limpi. E ta gaña y dobla e reglanan, pero esaki tin un set di regla diferente, un set di guia diferente, un producto completamente diferente.”

E Comision Olimpico Internacional y WADA a desplega e idea, cu a surgi pa prome biaha na 2023.

“Si bo kier destrui cualkier concepto di wega husto y competencia husto den de-



porte, esaki lo ta un bon manera pa hacie,” IOC a bisa a traves di un vocero.

“WADA ta condena e Enhanced Games como un concepto peligroso y irresponsabel y ta hopi preocupa pa su aparicion,” vocero di WADA James Fitzgerald a bisa.

Pero algun cu antecedente den e mundo anti-doping ta kere cu e sistema ta asina kibra cu e idea di deporte cu uso altamente monitorea di droganan cu di otro manera ta prohibi por ta un manera mas efectivo pa haya sa ken ta mas liher y mas fuerte.

WADA y e habilidad di IOC pa combati droga den deporte a bin bou di scrutinio despues di mas di un decada di scandal, resalta pa uno cu ta involvi landadornan Chines y otro cu a consumi henter e mashin Olimpico Ruso.

E anuncio di Weganan Mehora a bini un dia prome cu un audiencia di congreso programa na Washington na cua e relacion tenso di WADA cu autoridad di combatimento di droga di Merca mester a ser critica; e audiencia ey despues a keda posponi te na juni.

D’Souza ta insisti cu su vision no ta asina tanto tocante uso di droga sin restriccione, pero mas bien, un grupo di atleta cu ta purba di pusha e limite mientras cu nan salud y ingestion di droga ta ser monitorea constantemente pa seguridad.

“E Weganan Olimpico ta un representacion di pasado,” D’Souza a bisa. “Nan ta ancra den Grecia antiguo, y nan tin e ethos nobato y natural aki cu ta ser mancha pa un grupo di aristocraatnan Europeo.

E Enhanced Games ta hopi diferente. Nan ta ser mancha pa capitalistanan, cu ta kere den futuro, ta kere den ciencia y tecnologia.”

E Enhanced Games ta tuma lugar dia 21 te 24 di mei 2026. Nan lo tuma lugar completamente dentro di Resorts World Las Vegas na e parti norte di e Strip. D’Souza a bisa cu un piscina y pista lo ser construi riba e propiedad.

E organisacion tambe ta haciendo Las Vegas su cas full-time y ta buscando pa construi un facilidad cynan pa atletanan por train durante henter aña.

E eventonan di landamento lo inclui e 50 meter liber, 100 meter liber, 50 meter barbutlet y 100 meter barbutlet. E 100 meter y e 100 y 110 meter di obstaculo ta forma e eventonan di pista. E ‘snatch’ y tambe e ‘clean and jerk’ ta e eventonan den hisamento di peso.

Organisadornan a bisa cu e idea tabata pa organisa eventonan rapido cu lo tene atencion di e televidentenan mihor, y D’Souza a bisa cu alrededor di 200 atleta lo participa den e evento di debut.

Cada campeon lo ricibi 250.000 dollar cu e resto di e placa di e evento distribui den henter e resto di e terreno. Un bonus di 1 miyon dollar lo ser presenta si e record mundial den e 100 meter den pista of 50 meter den landamento ser kibra.

Organisador a bisa cu cada atleta ta traha cu un dokter pa desaroya un plan cu ta atende nan metanan di entrenamiento na un manera sigur. E atletanan ta ser monitorea regularmente, segun oficialnan, pa sigura cu nan no ta experencia problemanan di salud.

“E ta un acercamento hopi personalisa,” Dan Turner, director di seguridad di atleta di Enhanced Games a bisa. “E ta depende di kico nan kier haci y kico ta funciona cu nan.”

Un comision medico independiente cu ta consisti di specialistanan global, ken ta ser paga door di e organisacion pero no ta traha directamente p’e, ta involvi den e sistema di protocol.

BUCATINI
MARKET & CUCINA

JOIA
BY IBEROSTAR

2X1 PIZZAS & PASTAS

WEDNESDAYS & FRIDAYS
6PM TO 9PM

2x1 on the pizzas & pastas menu.

Reservation number: 699-9317 | @bucatini.aruba

IndyCar ta explora gobernacion independiente despues di scandal di fraude di Penske

(AP)—IndyCar ta explorando e creacion di un organismo di gobernacion independiente ausente di cualkier empleado di Roger Penske despues di e scandal di fraude di Team Penske prome cu e Indianapolis 500.

Penske ta doño di tres auto di Team Penske, IndyCar, e Indianapolis Motor Speedway y e Indianapolis 500. Diaranson, el a despedi di tres top cheecutivo despues cu a descubri cu dos di su autonan tabata ilegalmente den avance di e segunda ronda di e careda cualificante di Indy 500.

Desde e tempo ey a muestra cu e 'spec part' cu Team Penske a modifica riba e autonan di dos-biaha ganador Josef Newgarden y Will Power a ser haci pa basta tempo. Ambos e auto ganador di Newgarden di su victoria den 2024 ta den exhibicion den e museo Indianapolis Motor Speedway y esun cu el a tuma na e Cas Blanco luna pasa tin e mesun piesa modifica.

Equiponan rival ta bisa cu nan tin potretan di e autonan Penske cu e modifica-



cion data for di hopi tempo atras, y otronan a bisa cu nan a conta e inspectornan tecnico di IndyCar cu e autonan no tabata legal.

“Nos kier sigura cu nos tin un entidad cu no tin e habilidad pa hende bisa cu e tin influencia for di Roger Penske,” segun Doug Boles, nombra como presidente di IndyCar den februari mientras e ya tabatin e titulo di presidente di Indianapolis Motor Speedway.

Desde cu IndyCar a gana e autonan di Newgarden y Power diadomingo—cu ayudo di kehonan for di

equiponan rival—e competidornan a alega cu e autonan di Penske a haya tratamento preferencial pasobra nan ta bao propietario di Penske. Tambe nan a cuestiona con no a descubrie diadomingo ora e tres auto di Penske a bay den careda, y ta cuestionando di e autonan tabata legal e tempo ey.

Optica di faboritismo a sigui persigui Penske desde cu el a cumpra tur cos relaciona cu Indianapolis Motor Speedway na 2020, pasobra tur hende cu ta dirigi un parti di su organisacion ta ser paga pa Roger Penske.



Diaranson anochi, e presidente nobo di IndyCar, Doug Bole a bisa cu nan ta evaluando e posibilidad pa trece un entidad di gobernacion di afo den futuro.

“Nos ta trahando duro, hopi duro pa crea un entidad, un entidad pa oficia e eventonan, y cu ‘oficia’ mi kier bisa control di carera y inspeccion tecnico, un entidad completamente separa di tur loke tin di haber cu Penske Entertainment, of Roger Penske of Indianapolis Motor Speedway den e serie di IndyCar,” Boles a bisa.

Boles a agrega tambe cu un

di e motibonan pa cual e autonan no a ser gara cu e modificacion ilegal tabata pa motibo cu e cambio a ser haci na e “rear attenuator” —un piesa di seguridad cu ta prohibi pa altera, pasobra e por stroba su funcion. Pa e motibo ey, e piesa ey no ta ser inspecciona regularmente, pasobra e inspector di IndyCar ta asumi cu e teamnan kier pa nan autonan ta safe.

Boles y hopi equipo a bisa cu e modificacion probablemente no a duna hopi bentaha riba pista na e autonan di Penske—cu ya ta entre esunnan mas rapido den e mundo di Indy 500.

Tottenham ta derota Man United 1-0 pa titulo di Liga Europa

(AP)—Tottenham a derota Manchester United 1-0 pa gana e final di Liga Europa y hisa su prome trofeo Europeo den mas di cuatro decada diaranson.

Esaki ta e prome titulo grandi pa Tottenham desde cu el a gana e Copa di Liga Ingles na 2008, y e prome triunfo Europeo desde cu el a gana su segundo Copa UEFA—e equivalente di e Liga Europa awor—na 1984.

Brennan Johnson a hinca e gol ganador na final di e prome mita pa yuda Spurs salba un temporada tristo den cual el a keda para na e ultimo lugan di e ranking di Premier League.

E titulo ta garantiza Spurs un lugan den e torneo di Champions League otro temporada, y ta trece algun alivio pa gerente Ange Postecoglou despues cu el a bringa pa mantene su equipo ariba henter aña.

E victoria ta bin seis aña despues cu Tottenham a perde contra Liverpool den e




final di Champions League. E derota ta agrega presion riba entrenador di United Ruben Amorim, di ken su equipo ta sinta na di 16 lugan—net riba Tottenham—den e Premier League. E club no lo hunga den cualkier competencia Europeo otro siman.

United a bin cerca na igualisa e partido diaranson ora un cabezaso pa Rasmus Hojlund a ser claria pa Micky van de Ven den e di 68 minuut. Durante stoppage time, un cabezaso di Luke Shaw a causa un salvacion dificil pa portero di Tottenham Guglielmo Vicario.

E tabata un partido igualisa, cu ningun equipo creando hopi oportunidad pa hinca, te ora Tottenham a haya su prome na di 42 minuut despues di un paso pa Pape Sarr. E bala a bons back for di Shaw y a cay dilanti Johnson, ken a logra hink'e net den gol.

United a sigui marcha despues di concede pero no por a haya e punto igualisador dilanti un audiencia di casi 50.000 fanatico na Stadion San Mames. United a gana un trofeo den e 2024 FA Cup, y su ultimo triunfo Eu-



ropeo tabata na e Liga Europa di 2017 bao genrente Jose Mourinho.

E Red Devils a perde tur cuatro wega contra Tottenham e temporada aki y a keda sin victoria contra su rival den siete wega consecutivo, cu e ultimo seis bao Postecoglou. United y Tottenham a reuni

den solo final prome cu esey—e Copa di Liga na 2009 ora Alex Ferguson di United a gana 4-1 riba pinalti despues di un empate 0-0.

Delantero Tottenham Son Heung-min, ken a subi veld den e di 67 minuut, finalmente a caba cu e segura di torneo den su carera.

Hulanda: Residentenan ta ricibi conseho pa tin un minimo di €70 cash en caso cu sistema di pago digital fracasa

(NLTimes)—Residentenan Hulandes a ricibi conseho pa semper tin cash na man—70 euro pa cada adulto y 30 euro pa cada mucha—como reserva en caso cu e sistema di pago digital cay repentinamente. Segun e Foro Nacional Hulandes riba Sistema di Pago (MOB), esaki ta un cantidad suficiente pa sobrevivir pa tres dia. E grupo aki ta inclui e Banco central Hulandes (DNB), organisacionnan di consumidor, banconan y e ministerio di Finanzas.

E recomendacion ta bin pa motibonan di tension geopolitico creciente y menasanan cibernetico. Consumidornan ta hayando advertencia pa ta

prepara pa situacionnan di emergencia den cual e sistema di pago no ta disponible pa 72 ora. “Por ta cu bo no por paga digitalmente na caña, ATM’s no ta traha, of bancario online no ta disponible,” MOB a adverti.

Segun MOB, un parti di e suma mester ta den biyete y un otro parti den monedanan. “Si bo tin biyete, ta preferible pa tin esnan cu balor mas abao. Y pa monedanan: purba tin rond 50 moneda di diferente balor den cas,” e conseho ta bisa.

Un ehempel pa cumpli e 70 dollar den cas ta: Un biyete di 20 euro, un biyete di 10 euro, un biyete di 5 euro, y e 35 euro restante den 50 moneda

di diferente balor.

E cantidadnan proponi, calcula pa Nibud, ta considera como suficiente pa cumpra necesidadnan di emergencia manera awa, cuminda, medicamento y transporte pa tres dia. “Naturalmente, esaki ta depende di cada consumidor si nan por sigui e conseho directamente of adapta segun nan gasto y presupuesto,” MOB a añadi.

Motibo di preparacion

Ruben Brekermans, minister di Defensa, a bisa aña pasa cu Hulanda mester ta prepara pa tur escenario posible di guerra pa motibo di menasanan di Rusia. E tambe a conseha pa residentenan tin cash den cas constantemente.



Segun MOB, hopi hende ya tin cash den cas pa casonan di emergencia. “Si bo no tin suficiente cash den cas awor, bo por cuminsa pone un tiki na banda tur luna pa gradualmente yega e suma,” nan a bisa.

Den december aña pasa, hopi

Hulandes a bay saca placa for di ATM despues cu a anuncia cu banconan lo duna conseho tocante esaki. Segun un vocero di Geldmaat, e compania responsable pa e ATM’s di e banconan grandi den Hulanda, “tabatin un par decena di euro extra pa cada transaccion.”

Trump a selecta concepto pa sistema di defensa misil di \$175 biyon yama “Golden Dome”

(AP)—Presidente Mericano Donald Trump a anuncia e concepto cu e kier pa su futuro programa di defensa misil “Golden Dome”—un sistema multicapa cu ta costa 175 biyon dollar y cu, pa promebiaha, lo pone arma Mericano den espacio.

Trump a papia diamars for di su Oficina Oval, unda el a bisa cu e ta anticipa cu e sistema lo ta “completamente operacional prome cu fin di mi termino,” cu ta caba den 2029, y cu lo tin capacidad pa intercepta misil “hasta si nan ta ser lansa for di espacio.”

Un funcionario Mericano cu ta familiar cu e programa a bisa cu e sistema complica por tin un capacidad inicial pa e momento ey. Trump, sinta banda di un poster mustando e teritorio continental di Merca pinta den oro cu ilustracionnan artistico di interceptacion di misil, tambe a anuncia cu General Michael Guetlein, actualmente vicehefe di operacionnan espacial, lo ta responsable pa supervisa e progreso di Golden Dome.

Ki ta e sistema Golden Dome?

A conceptualisa Golden Dome pa inclui capacidadnan riba tera y den espacio pa detecta y para misil den tur cuater fase importante di un posible atake: Detecta y destrui misil prome cu su



lansamento, intercepta nan den e fase mas tempran di vuelo, para nan mita caminda den aire. Y detene nan na ultimo momento mientras nan ta cayendo riba e blanco.

Costo y desaroyo

Durante e ultimo lunanan, planificadornan militar ta trahando riba diferente opcion—cual un oficial Mericano a describi como opcion “medio,” “halto,” y “extra halto,” basa riba e costo—incluyendo interceptornan den espacio. E oficial a papia bao condicion di anonimidad pasobra e plannan ainda no a ser publica. E diferencia principal entre e tres versionnan ta cantidad di satelitenan, sensor, y pa promebiaha, interceptornan den espacio cu lo ser cumpra.

E Oficina di Presupuesto Congressional a calcula cu solamente e parti espacial di Golden Dome por costa te 542 biyon dollar den e proximo 20 aña. Trump a pidi

un suma inicial di 25 biyon dollar pa e programa den su proposicion di ley pa rebaha impuesto cu ta actualmente pasando door di Congreso.

Motibo tras di e sistema

E Pentagono tin hopi aña ta advertiendo cu misilnan nobo desaroya pa China y Rusia ta asina avansa cu mester tin contra-medidanan actualisa. E satelitenan y interceptornan adicional den espacio—cual ta conta pa gran parti di costo di e programa—ta destina pa para e misilnan avansa den su fase tempran of memey di su biahe.

Segun General Chance Saltzman, hefe di U.S. Space Force, e armamento den espacio conceptualisa pa Golden Dome ta “representa rekisitonan nobo y emergente pa misionnan cu nunca a ser logra prome pa organisacionnan militar den espacio.”

China y Rusia ya tin armanan ofensivo den espacio, manera



satelitenan cu por desactiva satellite vital Mericano, loke ta pone Merca vulnerable pa un atake.

Aña pasa, Merca a bisa cu Rusia tabata desaroyando un arma nuclear den espacio cu por keda flota pa hopi tempo y despues lansa un rafaga pa destrui satelitenan den su cercania.

Aspectonan diplomatico y legislativo

Trump a bisa cu ainda e no a papia cu presidente Ruso Vladimir Putin tocante e programa Golden Dome, “pero na e momento adecuado, nos lo papia,” el a bisa na reporteronan den e Cas Blanco.

No tin placa disponible ainda pa e proyecto, y Golden Dome “ainda ta den su fase di concepto,” segun Troy Meink, secretario di Air Force, a confirma, durante un audiencia den Senado.

Aunke e presidente a scoge

e concepto cu e kier, e Pentagono ainda ta desaroyando e rekisitonan cu Golden Dome mester cumpli cune—loke no ta e manera tradicional di desaroya sistemanan militar.

E Pentagono y U.S. Northern Command ainda ta redactando e documento inicial di capacidad, segun e oficial Mericano. E documento aki ta e manera cu Northern Command, responsable pa defensa di teritorio Mericano, ta defini kico e sistema mester por haci.

Merca ya tin hopi sistema di defensa misil, manera e batcrianan Patriot cu a ser suministra na Ucraina y un red di satelitenan den orbito pa detecta lansamento di misil. Algun di eseynan lo ser integra den e sistema Golden Dome.

Trump a ordena e Pentagono pa sigui cu e interceptornan espacial den un decreto presidencial durante e prome siman di su presidencia.

Accidente cu 3 persona herida banda di Cheng's cu 3 auto involvi



Diaranson mainta a drenta informe di un accidente cu hende herida, mesora a dirigi tanto polis como ambulance na e sitio.

Na yegada di e patruya a bin compronde cu un Ford Bronco riba e caminda di pariba a para duna un chens na un Mazda 6 pa sali pa bay pa-

bao y net ta bini un Kia Rio cu velocidad halto y ta dal e Mazda y bay dal frontal riba e Bronco.

Na yegada di e ambulance nan a atende e chauffeur di e Mazda na e sitio mes y un otro ambulance a bini atende tanto e chauffeur como tam-

be un baby cu tabata den e Kia Rio y a transporta nan pa hospital.

Ambulance a bay pa un persona di edad cu a cay y no por a para back

Diabierna mainta siman pasa a drenta informe di cu un persona di edad a cay dilanti porta di Setar Teleshop y no por a para riba su pianan mas mesora a dirigi un ambulance na e sitio.

Na yegada di e ambulance nan a atende e persona y en berdad e no por a lanta para riba su pianan. Cu ayudo di e personal di e ambulance nan a logra lant'e y pone den ambulance pa asina logra hib'e hospital.



Otro auto a subi riba bloki pariba di rotonde Tarabana



Diamars atardi un otro auto cu a bay bira riba e tereno habri pariba di rotonde Tarabana a subi un di e blokinan poni riba e tereno y a keda pega ey-nan.

E subimento di e bloki aki ta causa daño bao di e auto cu tur e consecuencia concerni. Sea e doño di e tereno ta verf e blokinan aki of ta kita esakinan for di caminda ya cu esaki no ta e prome biaha cu esaki ta sosode.

Polis y ambulance a bay cu urgencia pa atende hoben cu kier a pone fin na su bida

Diamars mainta a drenta informe di un intento pa pone un fin na su bida, mesora a dirigi tanto polis como ambulance na e sitio.

Na yegada di e patruya a haya

un hoben cu a intenta pone fin na su bida. Polis a impedi esaki y conhuntamente cu ambulance a stroba e intento aki door di a drenta den accion tempran y na ora. Slachtofferhulp a ser avisa y a presenta na e sitio.



Departamento di Defensa Mericano ta acepta Boeing 747 di Qatar pa uso di Trump

(AP) — Secretario di defensa Mericano, Pete Hegseth a acepta un jet di luho Boeing 747 for di Qatar pa presidente Donald Trump usa como Air Force One, segun Pentagono a bisa diaranson, a pesar di pregunta andando tocante e etica y legalidad di acepta e regalo caro for di un nacion stranhero.

Departamento di Defensa ta bay “traha pa sigura medidanan di seguridad adecuado” riba e avion pa hacie safe pa uso di e presidente, vocero di Pentagono, Sean Parnell a bisa. El a agrega cu a acepta e avion “di acuerdo cu tur regla y regulacion federal.”

Trump a defende e regalo, cu a bin durante su biahe recien den Medio Oriente, como un manera pa spaar dollar di impuesto. “Pakico nos ehercito, y pues nos pagadornan di impuesto, ta forsa pa paga centenares di

miyones di dollar ora nos por hay’e gratis,” Trump a post riba su red social durante e biahe.

Otronan, sinembargo, a bisa cu e aceptacion di Trump di un avion cu a ser yama un “palacio den shelo” ta un violacion di e prohibicion di Constitucion riba regalo di exterior. Democraatan ta uni den indignacion, y hasta algun di e aliadonan Republicano di e presidente den Congreso a expresa preocupacion.

“E acto aki sin precedente ta un mancha riba e oficina di e presidencia y no por keda sin wordo laba,” segun lider Democraata den Senado, Chuck Schumer di New York. “Te cu e Mericanonan haya transparencia riba e acuerdo dudoso aki, mi ta bay continua wanta tur nominado politico di Departamento di Husticia.”

Schumer a introduci legis-

lacion cu lo prohibi cualkier avion stranhero di ser usa como Air Force One y prohibi uso di placa di impuesto pa modifica of restaura e avion. Pero diaranson, senador Republicano, Roger Marshall a opone na momento cu Schumer a yama un voto, asina blokeando esaki. E no a duna un splicacion pa su obheccion.

Secretario di Forsa Aereo, Troy Meink a bisa senadornan cu Hegseth a duna orden pa e servicio cuminsa plania con ta bay update e jet pa cumpli cu e standardnan necesario y a reconoce cu e avion ta bay rekeri modificacionnan “significante”.

Forsa Aereo, den un declaracion, a bisa cu ta preparando pa otorga un contract pa modifica un avion Boeing 747, pero cu cualkier detaye ta clasifica.

A puntra Trump tocante esaki



ayera. “Nan ta dunando Forsa Aereo Mericano un jet,” Trump a bisa.

Trump a bisa cu e ta ser duna “no na ami, sino na Forsa Aereo Mericano,” notando cu “Boeing ta un tiki laat, desafortunadamente.”

Trump no a presenta ningun imperativo di seguridad nacional pa un upgrade rapido na lugar di warda pa Boeing caba cu e jetnan nobo pa Air

Force One, cu ta den desaroyo pa años.

El a purba di calma un tiki di e oposicion door di bisa cu e no lo bula rond den e avion ora su termino caba. Na su lugar, el a bisa, lo haci donacion di e avion na un futuro biblioteca presidencial, similar na con e avion Boeing 707 usa pa president Ronald Reagan a keda decomisiona y poni den despliegue como un piesa di museo.

ONU ta adverti di conflicto renoba na Siria

Pero ta ofrece speransa cu eliminacion di sancion

(AP) — Oficial top di ONU pa Siria a adverti ayera di e “peligro real di conflicto renoba y confrontacion mas profundo” den e pais afecta pa guerra, pero tambe tabatin speransa pa un miho bida pa su pueblo despues di decisionnan di Merca y Union Europeo pa elimina sancion.

Geir Pedersen a nota e fragilidadnan den e pais multiétnico y e “necesidad urgente pa atende e polarisacion creciente.” El a punta riba violencia contra e minoria Druze fin di april despues di e asesinatonan di areanan di minoria Alawita na maart.

“E retonan cu Siria ta enfrenta ta enorme, y e peligran real di conflicto renoba y fragmentacion mas profundo ainda no a keda surpasa,” el a bisa Consejo di Seguridad di ONU.

Pero Pedersen a bisa cu pueblo Sirio ta cautelosamente optimista cu e anuncio di presidente Mericano, Donald Trump siman pasa, cu Merca ta bay elimina sancion, y un anuncio similar di UE diamars, ta bay “duna nan un miho chens cu prome pa ta exitoso contra probabilidad-



nan enorme.”

Papiando via video for di Damasco, Pedersen a referi na alivio di sancion, incluyendo di Reino Uni luna pasa, como tambe sosten financiero y di energia for di Saudi Arabia, Qatar y Turkia, “desa-royonan historico.”

Ex-presidente Sirio, Bashar Assad a keda retira den un ofensiva rebelde fin di aña pasa despues di un guerra di 13 aña, cabando mas di 50 aña di gobierno di famia Assad. E gobierno Sirio nobo, lidera pa Ahmad al-Sharaa, a bisa cu

e herencia Sirio di coexistencia mester ser preserva di tur manera, pero e pais ta enfrente retonan masivo.

Actualmente, 90 porciento di Sirio ta biba den pobreza, cu 16.5 miyon necesitando proteccion y asistencia humanitario, incluyendo casi 3 miyon enfrentando inseguridad grave di cuminda, segun Ramesh Rajasingham, chief coordinator di e division humanitario di ONU, a bisa e consejo.

Secretario di Estado Mericano, Marco Rubio a bisa

Comite di Asunto Exterior di Congreso ayera cu Siria ta potencialmente “den margen di collapse,” advertiendo cu e lo conduci na guerra civil y e pais un biaha mas convirtiendo den un “playground” pa e grupo Estado Islamico (IS) y otro militante.

Pedersen a bisa e Consejo di Seguridad cu IS ta bin escalando atakenan den areanan di Siria den simannan recien, cu señalnan di operacionnan mas coordina usando aparatonan explosivo improvisa y armanan di rango medio.

Rubio a bisa cu no tin garantia cu “cos ta bay resulta” door di elimina sancion y traha cu gobierno transicional di al-Sharaa, pero si Merca no purba, “ta garantis di no resulta.”

El a bisa cu e anuncio di eliminacion di sancion di Trump a pone nacionnan regional y partnernan Arabe yuda stabilisa e pais.

John Kelley, coordinador politico di e mision di Merca den Nacionnan Uni, a bisa e consejo cu “agencianan di gobierno Mericano awo ta trahando pa ehecuta e direccion di e presidente riba sancionnan di Siria.”

Ta urgiendo e gobierno transicional di Siria pa tuma “stapnan cu curashi” den direccion di e expectativanan di administracion di Trump, Kelley a bisa, incluyendo haci paz cu Israel, elimina rapidamente e combatientenan militante stranhero for di ehercito Sirio, sigurando cu extremistanan stranhero manera milicianan Palestino no por opera for di Siria, y cooperando den preveni e resurgencia di e grupo Estado Islamico.

Rapport: Suministro mundial di mineralnan critico pa energia limpi ta actualmente concentra den par pais

(AP)—E fuente mundial di mineralnan critico ta cada biaha mas concentra den solamente algun pais, principalmente China, cual ta trece preocupacion pa dependencia di suministro cu por stroba e industria mundial y pone consumidornan paga mas, segun un rapport diaran-son.

E rapport di e Agencia Internacional di Energia (IEA) cu tin su base na Paris a investiga e disponibilidad di mineralnan y metalnan cu aunke ta den poco cantidad, tin un impacto grandi ora ta trata di cambia e economia for di combustible fosil pa electricidad y energia renovable.

Nan a haya cu pa koper, litium, cobalt, grafito, y elementonan incomun di tera, e promedio di mercado pa e tres pais cu ta produci mas a subi di 82% na 86% entre 2020 y 2024.

China ta e lider den purificacion pa 19 di 20 mineral strategico segun e estudio, cu un promedio di participacion di mas o menos 75%. Indonesia tambe a muestra un crecimiento fuerte den e produccion di nikel, un componente clave pa traha acero y bateria pa vehiculonan electrico.

IEA a adverti cu e tendencia actual di restriccinnan riba exportacion y disputa comercial ta aumenta e preocupa-

cionnan.

“Cadenanan di suministro pa mineralnan critico por ta hopi vulnerable pa strobacion den suministro, causa pa mal clima, fracasonan tecnico of disputa comercial,” director ehecutivo di IEA Fatih Birol a bisa. “E impacto di un strobacion asina por ta amplio—treciendo prijsnan mas halto pa consumidornan y reduciendo competitividad industrial.”

Birol a referi na e crisis di energia den Europa despues cu Rusia a corta e suministro di gas natural como represalia pa su invasion di Ucrania. Un otro ehempel ta e escasez mundial di chipnan di sili-



cone durante y despues di e pandemia, cu a causa problema pa produccion di auto.

“E regla principal pa seguridad energetico ta diversificacion,” Birol a conta Associated Press. “Y e ta bay mas leu cu seguridad energetico; e ta concerni seguridad economico tambe.”

Segun e, e forsa di mercado ta importante pa desaroya fuentenan nobo, pero e no ta suficiente. “Mester tin politicanan gubernamental bon diseña,” manera financiamiento y otro medidanan, el a agrega.

China ta un fuente global masivo di mineralnan critico necesario pa un gran variedad di productonan — chipnan di computer, robot, auto electrico, bateria, drone, y equipaje militar. China tambe ta domina purificacion y procesamiento di hopi di e mineralnan, incluyendo litium, cobalt, grafito y mas.

China a impone limitenan di exportacion riba hopi productonan clave y a pone mas control riba otronan, mientras cu e negociacionnan comercial di Donald Trump a intensifica, cual ta frena e industria Mericano y limita e capacidad di e nacion pa haya un alternativa rapido. Sin acceso na e reservanan grandi di China, e fabricantenan Mericano tin mas dificultad


pa competi den un mercado mundial.























Trump a pone como prioridad pa reduci dependencia di Merca riba mineralnan critico for di otro paisnan, den su 100 promesanan pa e prome 100 dia den oficina presidencial, como parti di un plan pa seguridad nacional y resiliencia economico.

E situacion ta bay mas leu cu China. E gobierno di Trump recientemente a finalisa un acuerdo cu Ucrania pa haya acceso na e recurso mineralnan di e pais.


Trump tambe ta purbando pa accelera mineria profundo den awa internacional, cual ta enfrentando oposicion for di gruponan ambiental. El a pidi pa un impulso den e industria di koper local den un orden ehecutivo den februario; a considera un propuesta di mineral di Congo—un pais den conflicto pero rico den recurso; y a purba presiona Groenlandia pa exporta mas mineral na Merca.

E rapport di IEA a bisa cu e mercado global ta actualmente bon suministra y cu e prijs general a baha. Pero el a adverti cu e produccion planea di koper—esencial pa kabel electrico y rednan di energia—no lo por keda cumpli cu demanda, y el a pronostica un deficit di 30% pa 2030.

Resultado Sorteo Mei 21			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9089	9097	5954	4780
2698	5983	SUPER5	4412
0177	3570	-	9259

MERDIA	ANOCHI		
 Sorteo # 4627 7008 3320 0585  X2  Sorteo # 4627 4261  X5  Sorteo # 2683 5962  Sorteo # 4627 7927 Geminis  Sorteo # 1501 344  FP	 Sorteo # 8550 8581 7652 9820  X2  Sorteo # 7594 9618  FP  Sorteo # 2299 7569  Sorteo # 6353 8312 Cancer  Sorteo # 1283 511  FP	 Sorteo # 2594 0 x Jackpot 1 x Match 4+ 19 x Match 4 407 x Afl. 12,00  Sorteo # 6833 0 x Jackpot 4 x Match 4 122 x Afl 8,00	09-17-18-22-28 Joker 12 Letter D Proximo Jackpot 525.000,- 02-19-21-25-29 Proximo Jackpot 51.000,-  Sorteo # 0 x Jackpot 0 x match 4 0 x Afl. 500,00 0 x Afl 50.00 0 x Afl.15,00 340.000,-  Afl. 460.000,-  Sorteo # 





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle Aloe:
Tel. 587 9011 Tel. 584 4606
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Centro di Bario Noord hunto cu CMMA ta presenta charla titula, “HABRI BO WOWO”

Den cuadro di campaña di conscientisacion di Coördinatiecentrum Mensenhandel Mensensmokkel Aruba (CMMA) pa loke ta traficacion di hende, Centro di Bario Noord hunto cu CMMA ta presenta charla titula, “HABRI BO WOWO.”

“Habri bo Wowo” ta campaña di conscientisacion cu a cuminsa na 2021 cu e lansamento di prome pelicula, “Otro Banda di Lama.” Un pelicula unda a explora e topiconan importante di traficacion di hende y contrabanda di migrante. Awor, CMMA ta lansa nan di dos produccion di pelicula local, cu ta hiba e titulo, “Otro Banda di e Cam.”

Traficacion di hende

Traficacion di hende ta e comercio di hende cu e proposito di trabou forsa, esclavitud sexual, of explotacion sexual comercial pa e traficante of otronan.

E ta un crimen contra un persona y ta afecta e derecho di un ser humano riba autodeterminacion, libertad y felicidad. E crimen aki ta viola e derecho di movicion y autodeterminacion di e victima pa medio di forsa of coersion, y pa motibo di nan explotacion comercial. E acto di traficacion ta: e reclutamento, transporte, traspaso, warda of ricibi persona.

Traficantenan ta usa e menasa di forsa, engaño, coersion, abuso di poder of posicion di vulnerabilidad. E proposito di traficacion semper ta explotacion.

Meta di e campananan aki ta pa educa y conscientisa pueblo pa no cay den trampa di e tipo di abusanan aki, como tambe, ta consciente di unda esaki por ta pasando cu hendenan rond di nos den nos comunidad. Nos tur como miembro di un sociedad tin un rol pa proteha otronan rond di nos di e acto di traficacion di hende.

Charla lo tuma lugar dia 22 di mei 2025, di 7:00pm - 9:00pm, na Centro di Bario Noord. Pa mas informacion por semper tuma contacto cu centro via: 5682935 | ligiaplcbn@gmail.com



Pronostico di tempo

Tempo:

Awe nochi: parcialmente nubla y generalmente seco
Den marduga y mañan: parcialmente nubla cu un awasero breve

Temperatura maximo 33 grado celsius
Temperatura minimo 28 grado celsius
Indice di calor (heat index) den y rond di oranan di merdia: 34 pa 40 grado celsius
UV index: 12

Bahada di solo : 6:59 pm
Subida di solo : 6:14 am

Biento:

Moderada direccion oost;
Forsa 3 te 4 (12 te 30 km/ora, 07 te 16 nudo)
Den di dia basta fuerte te posiblemente fuerte den rafaga;
Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

Extension di e area di presion halto riba Atlantico lo domina weer den region y lo stroba desaroyo di mayoria di nubia cu por produci awacero. Solamente den oranan di marduga y mainta trepan di diahuebs humedad por



bira suficiente pa produci localmente un awasero breve. Un concentracion leve te modera di stof di sahara lo ta presente den atmosfera regional. Esaki lo stroba visibilidad un poco y lo trece aire di menos calidad den region. Personanan cu tin sensibilidad pa cambio den calidad di aire mester tene esaki na cuenta.

Condicionnan maritimo/ estado di lama:

Na partinan protegi di costa: Keto, rond di 1 pia.
Na partinan zuid: Trankil cu lama di 1 pa 2 pia.
Na partinan oost te noordwest di costa: Generalmente modera cu olanan di 4 pa 6 pia.

Aurora

Royal Pray

Funeral Home & Crematory

Hesus a bis'e: 'Ami ta resurekshon i bida; esun ku kere den Mi lo biba, maske e muri, i tur esnan cu ta biba i ta kere den Mi lo no muri nunca. Juan 11:25-26



Sr. Rudy Ivans Paesch

Mihor conoci cu RUDY

*** 06-September-1963 - †13-Mei-2025**

Propetario di The New Kids Watersport / Rudy's Hut y Duzi Duzi Kafe

Na number di su:

Esposa: Angeline Dijkhoff

Yiunan: Baby Paesch
Kingsely Paesch
Prinsly Paesch

Manera yiu: Franco Henriquez

Mama: Anita Paesch
Tata: †Antonio Farro

Suegro y Suegra: Adi y Rita Dijkhoff

Manera nieta: Franciënnne Maduro

Rumannan: †Hubert Paesch
Elly Paesch y Brian Zapata Torres
Swinda Paesch
Marlyn Paesch y Peter v/d Waart
Juny Paesch
Lisette Paesch
Elvis y Grace Paesch-Alvarez-Vinueza

Demas Ruman nan Farro y yiunan

Sobrino- y sobrinanan: Hangelina, Joshuan, Daehrren, Giandra, Djamil, Jair, Gianno, Anthony Junior, Leandro, Ivanno, Rachel, Deborah, Misael.

Tantan: Rufina Felicia, Agricola Farro, Sra. Vda. Ludwina Quandus-Farro

Cuñanan y Swanan: Eric y Gianni Dijkhoff y yiunan, Jeffrey y Shaendeel Dijkhoff y yiunan, Adrith y Xenon Lacle y yiunan

Su gran amigo y Pastor: Heronimo (Chen)

Primo- y primanan: na Aruba y Hulanda, Madrina y Padrinonan.

Su dos primanan stima: Trina Croes y Sandra Eckmeyer

Tur su trahador nan di New Kid Water Sport / Rudy's Hut y Duzi Duzi Kafe

Demas famia: Paesch, Dijkhoff, Farro, Henriquez, Booi, Welvaart, Tromp, Wever, v/d Waart, Geerman, Alvarez-Vinueza, Croes, Lacle, Chong, Felicia, Vrolijk, v/d Biezen, Jones, Quandus, Petrochi, Webb, Gomez, Eckmeyer, Dos Santos.

Disculpanos si den nos tristeza nos por a lubida un of mas number di famia

Tin oportunidad pa condolencia riba diarazon, 21 di mei 2025 di 7:00pm pa 9:00pm na Aurora Funeral Home

E acto di entierro lo tuma luga riba diahuebs, 22 di mei 2025 di 2:00pm pa 4:00pm na Aurora Funeral Home, despues ta sali pa Santana na Noord

Lamentablemente despues di entierro nos lo NO ricibi bishita di condolencia na cas

Aurora

Royal Pray

Funeral Home & Crematory

Si, bendishon i bondat ta kompañia mi tur dia di mi bida. Lo mi biba den kas di SEÑOR henter mi bida largu. Salmo 23:6



Sra. REMACLA GEERMAN

Mihor conoci como "Mai of Maca"

***3 Sept. 1932 - †17 Mei 2025**

Na number di su **yiunan:**

†Maria y †Chommy Filiciana –Winterdal
†Helia y †Tico Hernandis-Winterdal
†Lelia Winterdal
Vda Mirna y †Nelson Peterson-Winterdal
Vda Anchi y †Ronnie Henriquez-Winterdal
†Marcia Winterdal
Ronny Winterdal y Magaly de Kort
†Evelina Winterdal
Vda Lourdes y †Boy de Kort-Winterdal

Yiunan di criansa:

Vivian Filiciana y Danilo Cruz
Dilia Rasmijn
Marieta Hernandis y Hugo Baarh

Tata di su yiunan: †Dominico Winterdal

Nieto(a)nan:

Jeanine y Hiram Zievinger-Filiciana y yiunan
Jeanice Filiciana y Elton Trimon y yiunan
Jeanila Filiciana y yiunan
Jairo y Nella Wernet-Eckmeyer y yiunan
Sharline Hernandis y yiunan
Jean Pierre y Sahira Peterson-Anthony y yiunan
Jeannella Peterson y Jonathan Alvarez y yiunan
Maroushka y Hubert Flanegien-Henriquez y yiunan
Zulaika y Robby Solognier-Henriquez y yiunan
Eroll y Xia-Ru Henriquez-Li y yiunan
Jessica Rosel
Francis y Billy-Ann Rosel-Croes y yiunan
Franzenne y Gabriel Geerman Rosel y yiunan
Dayron Winterdal y yiunan
Ryan Winterdal y yiu
Myron y Emmy Winterdal-Julia y yiu
Jeannilo Gomez y yiunan
Jean-Nilsa Gomez y Kenneth Croes y yiunan
Giannina Gomez y Aldrich Arends y yiunan
†Jonathan de Kort
Lou-Anne de Kort y yiu
Joshua de Kort
Lilian Rasmijn y yiunan
Alvin Filiciana y Sheritza Geerman y yiunan
Dayenne Werleman y yiunan

Mescos cu nieta: Usha La Moira y Pancho Pinzón y yiu
Bisanieta(a)nan y tatarata nieto(a)nan

Rumannan:

†Esteban y Miriam Geerman-Delaney y famia
†Regenita y †Fenchi Filiciana-Geerman y famia
†Rosa y †Juan Marin-Geerman y famia
Pedro y Luicita Geerman-Werleman y famia
†Lucia y Julio Curiel-Geerman y famia
Benny y Mirna Geerman-Tromp y famia
Rita y †Chinto Geerman-Geerman y famia

Sobrino(a)nan, primo(a)nan, ihanan, su bon bisinanan y conocirnan

Amigo di cas: †Chito Thijzen

Demas Famia: Geerman, Koolman, Winterdal, Filiciana, Hernandis, Barrera, Henriquez, de Kort, Rasmijn, Roos, Olivir, Wernet, Jansen, Orman, Peterson, Anthony, Hernandez, Flanegien, Solognier, Rosel, Croes, Noguera, Gomez, Briceño, Werleman, Delaney, Kock, Meulens, Narvaez, Marin, Curiel, Tromp, Thijzen.

Tur demas famia na Aruba, Corsow y Hulanda

Ta invita pa acto di entierro cual lo tuma lugar na Misa Inmaculada Concepcion na Santa Cruz diabierna 23 Mei 2025 di 2pm pa 4pm y despues lo sali pa Santana Catolico na Sta Cruz.

Oportunidad pa condolencia lo tuma lugar na Aurora Funeral Home diahuebs 22 Mei 2025 di 7pm pa 9pm.

Nos disculpa si den nos tristesa nos por a lubida un of otro famia.

Famia ta pidi disculpa cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe hana forza". Salmo: 23



Cu inmenso tristeza na nos curason pero inmensamente agradeci pa tur loke al nificia pa nos. Nos ta participial cu a fayece cristianamente di mi compañe,nos ruman, omo, swa y primo

Reynaldo Ricardo Feliciano,

mihor conoci como: Mo Nadi, Chino, Nadi

***30-09-1949 - †18-05-2025**

Na number di su:

Mayornan: †Facundo y Martenita Feliciano-Briesen

Compañera di bida: Sonia Kock

Ruman(nan) stima:

Vda. Lucy y †Nadi Dijkhoff
Fojan y Lucia Feliciano
†Chanita Feliciano
Dora Feliciano
Shomina y Fefe Winterdaal
Vera y Eddy Muller

Sobrino(a)nan stima:

Roland Dijkhoff y famia, Jorge Dijkhoff y famia, Jahaira Dijkhoff y famia, Haime Feliciano, Ronny Feliciano y famia, †Edgar Feliciano y famia, Eugene Feliciano y famia, Grego Feliciano y famia, Yazira Javois y famia, Shansse Feliciano, Siglane Quandt, Magaly Winterdaal y famia, Roy Winterdaal y famia, Rosemary Muller, Angelique Croes y famia, Eduardo Muller y famia, Daniel Muller y famia, Sue-Ann Lacle y famia.

Suegra/ Madrina: Sra vda. Rosa Kock

Iha: Magaly Winterdaal

Cuñanan:

†Gwendolyn y †Alex de Kort
Livia y Rudy Frank
Mirna y Javier Gonzalez
Milda y Hans van Esveld

Manera sobrino (a):

Marcel y Marc Jose de Kort, Andrey, Deyanira y Armand Frank, Jeniree Gonzalez, Natasja, Brian, Patrick van Esveld.

Amigo di cas:

Ronny Lacle (Mouse), Francis Erasmus y Elvis Erasmus

Prima y primonan, sobresobrino y sobresobrinanan, bisinanan.

Demas famia:

Feliciano, Kock, Briesen, Dijkhoff, Vrolijk, Winterdaal, Muller, Boekhoudt, Erasmus y demas famia y conocirnan na Aruba y Hulanda.

Nos disculpa si nos por a lubida un of otro famia den nos tristeza.

Ta invita pa e acto di entierro cu lo tuma lugar diahuebs 22 di mei di 2'or pa 4'or na misa Inmaculada Concepcion na Sta. Cruz, despues lo sali pa Santana catolico De Vries na Sta. Cruz



FIND US ON
BONDIA
ARUBA
www.bondia.com
ALSO AVAILABLE ON
f @ d X

Periodistanan y medionan na Hong Kong ta blanco di auditnan sin motibo, segun grupo di prensa

(AP)—Autoridadnan fiscal di Hong Kong a pone un blanco riba al menos 20 hende—incluyendo periodistanan, lidernan actual of anterior di organisacionnan di media, y nan famia—pa auditnan sin suficiente prueba, segun un grupo profesional

di prensa cu ta poniendo atencion riba libertad di prensa den e ciudad.

Presidente di e Asociacion di Periodistanan di Hong Kong, Selina Cheng, a bisa cu e Inland Revenue Department (departamento di impuesto) a acusa tanto individuonan



castigo den prison, mientras cu e otro a ser libera pa motibo di malesa y tempo ya sirbi den prison.

Jimmy Lai, activista pro-democracia y fundador di Apple Daily, ainda ta bringando contra cargonan di seguridad nacional cu por carga un castigo di bida den prison.

Na maart 2024, Hong Kong a implementa un otro ley di seguridad cu a causa mas miedo tocante libertad civil y di prensa.

Gobierno di Hong Kong ta insisti cu no tin restriccion riba libertad di prensa, tanten cu e reportahenan ta basa riba hecho.

Atake sistematico riba periodistanan y nan famia

Den september, e asociacion di periodistanan a declara cu decenas di periodista, nan famianan y otro conocirnan a ser acosa, den loke nan ta yama e ola mas grandi di acoso contra periodistanan cu nan a registra den e ciudad.

Cheng a bisa cu e auditnan a impacta al menos ocho organisacionnan, incluyendo medionan independiente manera Hong Kong Free Press, e asociacion di periodistanan mes, y otronan mas. Segun Cheng, al menos 20 persona, incluyendo e mes y su mayornan, tambe a keda afecta.

Den e World Press Freedom Index di Reporteronan Sin Frontera mas reciente, Hong Kong a keda na di 140 luga entre 180 teritorio, cayendo for di 80 na 2021. Pa prome biaha a clasifica e situacion como “hopi serio.”

como empresanan cu nan no a reporta tur nan ingreso aña pasa, y a manda demandanan retroactivo. Cheng a yama algun di e acusacionnan di e departamento “straño” y “no razonable.”

Cheng a agrega cu e movimiento aki ta pone stress riba periodistanan y organisacionnan di prensa y ta afectando nan operacionnan diario.

“Esaki tin un efecto negativo riba libertad di prensa den Hong Kong,” Cheng a bisa durante un conferencia di prensa. “Libertad di prensa no ta solamente e capacidad pa opera den manera fisico y seguro...e tambe ta inclui e ambiente di negoshi, si ta sostenible pa nan opera.”

Na un caso specifico, segun Cheng, e departamento di impuesto a alega cu un periodista tabatin un empresa registra y mester paga impuesto di ingreso pa un empresa cu e no tabata mancha—usando un number di registro cu no existi. Tambe nan a purba haci un audit riba ganashi di un empresa pa un aña prome cu e empresa a ser funda.

Den un email na Associated Press, e departamento di impuesto a bisa cu nan tin procedimiento estableci pa revisa

e informacion proporciona pa e contribuyentenan, y cu nan lo sigui investiga casonan si tin indicacion cu no a cumpli cu regla.

“E industria of fondo di un contribuyente no ta influencia e tipo di revision aki,” nan a agrega, sin duna comentario riba ningun caso specifico.

Libertad di prensa na Hong Kong ta mas y mas den peligro. Periodistanan na Hong Kong a ser confronta cu un espacio cu ta sigui krimp desde cu Beijing a inicia un represion contra oposicion despues di e protesta anti-gobierno grandi na 2019. Cambio politico drastico a crea un ambiente cada dia mas restringi den e ciudad semi-autonomo, cual prome tabata considera como un bastion pa libertad di prensa den Asia.

Na 2021, dos medio conoci pa critica gobierno—Apple Daily y Stand News—a ser obliga pa cera nan portanan despues cu nan lidernan a ser deteni.

Aña pasa, dos ex-redactor di Stand News a bira e prome periodistanan condena segun un ley colonial anti-sedicion for di tempo cu Hong Kong tabata colonisa pa Britanico. Un di nan a haya 21 luna di

Aurora Royal Pray Funeral Home & Crematory

Samen zwemmen, dansen haast, slag na slag naar de horizon Dankbaar voor alle liefde die zij gaf is op 17 mei van ons heengegaan.



ANA MARIA ISABEL de WINDT
Geboren te Willemstad, Curaçao, op 9 april 1946

Peter Paul Hermans

Rogier en Marike San Giorgi – Daalmeijer
Julius
Olivier
Bérénice en Pol Geusens – San Giorgi

Kees-Jan Hermans
Mariëtte Hermans
Jaap Hermans
Daan Hermans

Savaneta 246a, Aruba

Gelegenheid tot afscheid nemen is bij Aurora
Funeral Home Cumana #76 op
Zaterdag 31 mei van 19.00 tot 20.00 uur.

Aurora Royal Pray Funeral Home & Crematory

“Señor ta mi wardador,
mi’n tin falta di nada.
Den cunucu di yerba berde
e ta ponemi sosega.
E ta hibami na awa
trankil,
pa mi bolbe haña forsa”.
Salmo: 23



Cu dolor na nos curason, nos ta participa fayecimento di:

Marlon E. U. Flanegin
Carinosamente yama “Uti”
*19-12-1971 - †18-05-2025

Acto di despedida lo wordo anuncia despues



Trump ta confronta lider Sur Africano tocante e supuesto asesinato sistematico di agricultornan blanco

(AP) — Presidente Donald Trump a usa un reunion den Cas Blanco pa confronta presidente Sur Africano, Cyril Ramaphosa, acusando e pais di faya den atende e acusacion di Trump di e asesinatonan sistematico di agricultornan blanco.

Den Oficina Oval, Trump a mostra un video di un politico di isquierda extremo cantando un cantica cu ta inclui e letra “mata e Boer.” E tambe a pasa door di articulon di noticia pa subraya su punto, bisando cu e agricultornan blanco na e pais a enfrente “morto, morto, morto, morto horibel.”

Trump anteriormente ya a corta tur asistencia di Merca pa Sur Africa, y a ricibi varios decena di agricultor Sur Africano blanco na Merca como refugiado, mientras el a haci e caso cu tin “genocidio” andando na e pais.

E presidente Mericano, desde cu a bolbe na su cargo, a lansa un serie di acusacion na e gobierno Sur Africano, acusando e di confisca tereno for di agricultornan blanco, aplica politicanan anti-blanco, y ehecuta un politica di exterior anti-Mericano.

Sur Africa ta bisa cu no tin evidencia cu ta enfocando riba hende blanco pa motibo di nan rasa, maske agricultornan di tur rasa ta victima di invasionnan violento na un pais cu un tasa halto di crimen, y mayoria di agricultor ta blanco.

“Hende ta huy di Sur Africa pa nan propio seguridad,” Trump a bisa. “Nan tereno ta ser confisca y den hopi caso ta matando nan.”

Ramaphosa a desmenti e acusacion di Trump. E lider Sur Africano tabata busca di usa e reunion pa aclaria y salba e relacion di su pais cu Merca. E relacion bilateral ta na su punto mas baho desde cu Sur Africa a aplica su sistema di segregacion racial, apartheid, cu a caba na 1994.

“Nos ta completamente opuesto na esey,” Ramaphosa a bisa di e comportamiento cu Trump a alega den nan intercambio. El a agrega cu “esey no ta politica di gobierno” y “nos politica di gobierno ta completamente, completa-



mente contra loke e tabata bisando.”

Trump no a cambia di posicion. “Ora nan ta tuma e tereno, nan ta mata e agricultor blanco,” el a bisa.

Trump tabata mostra prepara pa confronta Ramaphosa na comienso di e reunion mientras periodistanan tabata presente. A prepara video riba un TV grandi mostrando un clip di lider di partido di oposicion, Julius Malema, liderando e cantica cu e letra controversial.

E cantica ta contencioso pa años na e pais pa motibo di su letra central, “mata e Boer” y “tira riba e Boer” – cu Boer referiendo na un agricultor blanco. Malema no ta parti di e coalicion den gobierno.

Den un otro clip, a mostra cruznan blanco banda di un caminda, describi como un monumento pa agricultornan blanco cu a ser asesina. Ramaphosa tabata mostra asombra. “Mi lo kier sa unda esey ta, pasobra esaki mi nunca a mira.”

Trump a cuminsa e reunion describiendo e presidente Sur Africano como “un homber realmente respeta en hopi, hopi circulo.” El a agrega: “Y den algun circulo e ta considera un tiki controversial.”

Ramaphosa a joke back cu un presidente cu no ta straño na controversia. “Nos tur ta asina,” Ramaphosa a bisa.

Na februari, Trump a emiti un orden ehecutivo cu ta stop tur fondo pa Sur Africa pa motibo di algun di su po-

liticanan interior y exterior. E orden ta critica gobierno Sur Africano den varios aspecto, bisando cu ta ehecutando politicanan anti-blanco na cas y sosteniendo “actornan malo” na mundo manera e grupo militante Palestino, Hamas, y Iran.

Trump a acusa gobierno di Sur Africa di violacionnan di derechonan humano contra agricultornan Afrikaner door di confisca nan tereno mediante un ley nobo di expropiacion. Gobierno Sur Africano a bisa cu no a confisca ningun tereno, y cu critica di Merca ta impulsa pa desinformacion.

E referencia di administracion di Trump di e pueblo Afrikaner – descendientenan di colonistanan Hulandes y Europeo – tambe a eleva acusacionnan anterior haci pa consehero di Trump naci na Sur Africa, Elon Musk, y algun comentador conservador Mericano, cu gobierno Sur Africano ta permiti atake riba agricultornan blanco cu ta basicamente un genocidio.

E preocupacion di e administracion tocante politicanan Sur Africano ta bay mas profundo cu preocupacion pa agricultornan blanco.

Ramaphosa tambe a enfrente scrutinio na Washington pa su conexonnan den pasado na MTN Group, e di dos proveedor mas grandi di telecomunicacion na Iran. E ta doño di casi mita di Irancell, un joint venture vincula na e Cuerpo di Guardia Revolucionario di Iran. Ramaphosa a fungi como miembro di

e board di MTN di 2002 pa 2013.

Ramaphosa a yega e reunion buscando pa evita e sorto di intercambio contencioso cu presidente Ucrainiano, Volodymyr Zelenskyy a experimenta durante su bishita na Oficina Oval na februari, tempo cu e lider Ucrainiano a haya su mes den un confrontacion verbal cu Trump y vice-presidente JD Vance. E reunion desastroso ey a caba cu oficialnan di Cas Blanco pidiendo Zelenskyy y su delegacion pa bandona Cas Blanco.

E delegacion di e presidente Sur Africano tabata inclui atleta di golf Ernie Els y Retief Goosen, un gesto na e presidente Mericano, obsesiona cu golf. Ramaphosa a trece pa Trump un buki enorme tocante e camponan di golf na Sur Africa. El a hasta bisa Trump cu e ta trahando riba su wega di golf, buscando pa ricibi un invitacion na e links cu e presidente.

Magnate di producto di luho y Afrikaner, Johann Rupert tambe tabata den e delegacion pa yuda alivia e preocupacion di Trump tocante e confiscamento di tereno for di agricultornan blanco.

Na dado momento, Ramaphosa a haci un yamado riba Zingiswa Losi, presidente di un grupo di sindicato Sur Africano, cu a bisa Trump cu ta berdad cu Sur Africa ta un “nacion violento pa un cantidad di motibo.” Pero el a bis’e cu ta importante pa com-pronde cu homber y muher color scur den areanan rural

tambe ta victima di crimen teribel.

“E problema na Sur Africa, e no ta necesariamente tocante rasa, e ta tocante crimen,” Losi a bisa. “Nos ta aki pa bisa con nos, ambos nacion, por traha hunto pa reset, pa realmente papia di inversion pero tambe yuda... pa atende realmente e nivelnan di crimen cu nos tin na nos pais.”

Musk tambe a atende e combersacion ayera. E ta den frente di e critica di su pais di origen, caracterisando su leynan di accion afirmativo como racista contra hende blanco.

Musk a bisa riba rednan social cu su servicio di internet di satelite, Starlink no por haya un licencia pa opera na Sur Africa pasobra e no ta color scur.

Autoridadnan Sur Africano ta bisa cu Starlink no a aplica formalmente. Por, pero e lo ta mara na leynan di accion afirmativo den e sector di comunicacion, cu ta rekeri pa companianan stranhero permiti 30 porciento di nan subsidiarionan Sur Africano pa ta propiedad di accionistanan color scur of otro gruponan racial perhudica pa apartheid.

Gobierno Sur Africano ta bisa cu su leynan di accion afirmativo, na vigor pa hopi tempo, ta un pilar di su esfuersonan pa coregi e in-husticianan di apartheid, cu a nenga oportunidadnan pa gruponan di color scur y otro gruponan racial.

Despues di e intercambio contencioso dilanti camaranan, Trump a ricibi Ramaphosa pa lunch y mas combersacion.

Ramaphosa, papiando cu reporteronan despues di su bishita na Cas Blanco, a bagatela e critica di Trump, agregando cu e ta kere cu “tin duda y incredulidad den cabes (di Trump)” tocante su acusacion di genocidio. El a insisti cu nan no a keda papia riba e preocupacionnan di Trump tocante agricultornan blanco den nan combersacion priva.

“Bo tabata kier mira drama y algo realmente grandi sucediendo,” Ramaphosa a bisa reporteronan despues di su bishita na Cas Blanco. “Y mi ta sorry cu nos a decepciona bo un tiki ora ta trata di esey.”

AMC UNICON MEGA STORE FURNITURE AND BEDDING EVENT MAY 23RD AND 24TH



SAVE AWG.270

Orleans
5PC Dining Set
NOW
AWG.499
WAS AWG.769

she's more than just a Mom,

SAVE AWG.300



Colmar
5PC Wooden Counter Set
NOW **AWG.899**
WAS AWG.1199

SAVE AWG.270



Toulon
5PC Wooden Counter Set
NOW **AWG.699**
WAS AWG.969

restonic

SAVE AWG.200



Restonic
Full Comfort Care
Firm Mattress
NOW
AWG.699
WAS AWG.899

Sealy
Posturepedic

SAVE AWG.250



Sealy
Queen Silent Nite II
Firm Mattress
NOW
AWG.849
WAS AWG.1099

SLEEP
ON IT

SAVE AWG.100



Sleep On It
Twin Back Support
Mattress
NOW
AWG.299
WAS AWG.399

Sealy
Posturepedic

SAVE AWG.500



Sealy
Twin Ariel Sands II
Eurotop Mattress
NOW
AWG.1299
WAS AWG.1799



569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm DIALUNA PA DIASABRA



Hues ta bisa cu gobierno Mericano no a sigui orden di corte riba deportacionnan

(AP)—Segun un hues federal, e Cas Blanco a viola un orden di corte tocante deportacionnan pa tercer pais, relaciona cu vuelonan bayendo Sudan di Sur, un nacion Africano den caos. E declaracion di e hues a sali poco ora despues cu e administracion di Trump a confirma cu ocho inmigrante condena pa crimen violento a ser deporta, pero sin revela unda nan lo bay. E declaracion di e hues ta un critica fuerte contra e esfuersonan di deportacion di e gobierno.

Durante un audiencia urgente cu e mes a convoca, Hues Brian E. Murphy na Boston a bisa cu e ocho migrante den e avion no a ricibi un oportunidad real pa apela cu e deportacion por pone nan den peligro. Algun rato prome cu e audiencia, oficialnan di e administracion a acusa huesnan "activista" di kier libera criminalnan peligroso.

"E accionnan di e departa-



mento den e caso aki ta sin duda den violacion di e orden di e corte," Hues Murphy a bisa diaranson, splicando cu e deportadonan no a haya un "oportunidad real" pa apela cu nan ta ser manda pa Sudan di Sur. E grupo a sali for di Merca apenas algun ora despues cu nan a haya notificacion, sin un oportunidad pa tuma contacto cu abogado pa protesta den corte.

Abogadonan di gobierno a argumenta cu e hombernan ya tabatin historia den e sistema migratorio, y cu nan a haya e oportunidad anteriormente

pa expresa nan preocupacion pa ser deporta na un pais stranhero. Nan a agrega tambe cu e orden di e hues no a especifica cuanto ora mester pasa entre e notificacion y deportacion, cual ta crea espacio pa mal entendimento.

Gobierno ta yama e deportadonan 'un berdadero menasa pa seguridad nacional'

Segun Todd Lyons, director interino di ICE (Immigration and Customs Enforcement), e paisnan natal di e migrantenan—Cuba, Laos, Mexico, Myanmar, Vietnam y Sudan

di Sur—no kier tuma nan back. Den un conferencia di prensa na Washington, el a bisa cu e migrantenan of bin for di paisnan cu regularmente no ta tuma back nan ciudadanonan deporta, of tin situacionnan special cu ta impedi nan pa ser manda back.

"E grupo aki ta representa e berdadero menasa pa seguridad nacional," Lyons a bisa, cu un display tras dje cu e potret di e hombernan cu a ser condena pa violacion, homicidio, ladronia arma y otro crimennan serio.

Oficialnan di e administracion, cual a tene varios disputa cu e corte tocante nan intento pa deporta un gran cantidad di inmigrante, a expresa su descontento claramente diaranson.

Presidente Donald Trump y Secretaria di Seguridad Nacional Kristi Noem "ta trahando tur dia pa kita e criminal violento for di e cayanan di Merca—mientras cu huesnan activista ta na otro banda,

bringando pa trece nan back riba teritorio Mericano," vocero Tricia McLaughlin a bisa. El a muestra e potretnan y a yama nan "e monsternan" cu segun e, hues Murphy ta purba proteha.

Destino final di deportadonan ta secreto

Oficialnan di Seguridad Nacional no a publica hopi detaye tocante e vuelo di deportacion. Nan a bisa cu e avion a sali diaranson cu ocho hende abordo, y cu nan tabatin e migrantenan ainda den custodia. Nan no a revela e destino final di e grupo pa motibo di "seguridad operativo y proteccion."

E caso ta surgi en medio di un ofensiva duro riba inmigracion di parti e administracion Republicano, cual a priminti pa deporta miyones di hende cu ta biba ilegalmente den Merca. E pleito legal aki ta un otro punto di tension entre e administracion y e corte, cu huicionan cu a frena e politicanan di Trump.